

ԱՍՏՈՒԱԾԱՇՈՒՆՁ ՄԱՏԵԱՆԻ ՀԱՅԿԱԿԱՆ ԲՆԱԳԻՐԸ

(Սկիզբը տեսնել «ՍԻՈՆ», Յուն.-Մարտ 1978)

Գ. ՎՈՒԼԳԱՏԱՅԻ ԱԶԳԵՑՈՒԹԵԱՆ ՀԱՐՑԸ ԵՒ ՀԵԹՈՒՄ Բ-Ի ԱՍՏՈՒԱԾԱՇՈՒՆՁԸ

Առհասարակ տարածուած կարծիք է, որ ԺԳ դարն այն շրջանն է, երբ Հայկական թարգմանութեան բնագիրն սկսել է խաթարուել յատկնական Վուլգատայի ազդեցութեան տակ, եւ այդ իրողութիւնը, եթէ զա ճիշդ է, կապուած է Հայկիրիկեան Հեթում Բ թագաւորի անուան հետ:

Նախ ասենք, որ գրականութեան մէջ հին Վուլգատա եւ Յոր Վուլգատա անուններով յայտնի են երկու բնագրեր. հինը, որ կոչուած էր նաեւ Խաւալա (խալական), յունարէն Եօթնասնեղ բնագրից էր թարգմանուել, բայց Գ դարու մէջ թարգմանութիւնը հիմնովին սրբազրուել էր Հերոնիմոս Ստրիդոնոցու կողմից, Հին Կաակարանի մասին հիմք ընդունելով երբայկան սկզբնագիրը: Այստեղ մեր խօսքը վերաբերում է նոր կամ Հերոնիմեան Վուլգատային, որը պաշտօնապէս ընդունուած բնագիրն է Հռոմէական Եկեղեցու կողմից:

Վուլգատայի ազդեցութեան առաջին նշանները Կիլիկիան Հայրատանում են երեւան եկել ԺԳ դարում ընդօրինակուած Աստուածաշնչերում՝ «Քրտանկազ» (խալական) գլխարածանունների մուծմամբ: Վուլգատայի գլխարածանունները համատեղում էին Հայկական բնագրի նախկին գլխարածանունների հետ: Այդ նորութիւնը, որ հետզհետէ տարածուեց եւ, գիտական ասումով սրբէս գրական երեւոյթ, վերջնականապէս ընդունուեց մեզ մօտ, հանդէս էր եկել 1295 թ. Հեթում Բ թագաւորի համար գրուած յայտնի Աստուածաշնչով, որն այժմ գտնոււմ է Երեւանի Պետ. Մատենադարանում 180 համարի տակ եւ որ յիշատակեցինք վերելում: Այդ նորութեան գրական կողմն այն էր, որ դրանով անսահման հնարաւորութիւն ստեղծուեց Աստուածաշնչի Հայկական եւ օտար բնագրերի համեմատական ուսումնասիրութեան համար:

Սակայն մեր օրերում Հեթում Բ-ի կատարած գործի մասին բանասիրութեան մէջ տիրում է այն թիւրիմացութիւնը, թէ նա, յատկնական գլխարածանուններից բացի, Հայկական թարգմանութեան բնագիրը սրբազրութիւնների ու խմբազրման է ենթարկել յատկնական Վուլգատայի հիման վրայ: Այսպիսի կարծիք են ունեցել անցեալում Լակրոզը, Վիտտն Եղբայրները, Բրենդենկամպը եւ Էյխսթընը, որոնց միացել է Մեարոպ Վրդ. Տէր Մովսիսեանը⁶⁵, եւ մեր ժամանակներում՝ Մակլերը⁶⁶: Այս հարցը հետաքրքրում էր նաեւ մեզ՝ մեր հետազօտութիւնների ընթացքում:

Նախորդ աղբերում Սիմաքոսի խնդրոյ առարկայ եղած յուսանցային ընթերցումի տեղափոխումը բնագրի մէջ՝ մեզ մտածել էր տալիս, թէ զա համարար պատահական երեւոյթ էր եւ թէ այսպէս կամ այնպէս կարող էր

⁶⁵ Տե՛ս՝ М. Тер-Мовсесян, "Ист. пер. ыблии на арм. яз.", стр. 59-60. Վկայակոչուած է նախորդ գիտնականներին:
⁶⁶ F. Macler, "Le texte arménien de l'Evangile d'après Matthieu et Marc", p 24-25.

կապ ունենալ Վուլգատայի ընթերցման հետ, որովհետև Սիմաբոսի երբայակա-
 նան ընթերցուածը համապատասխանում է Վուլգատային, քանի որ վերջինս
 էլ երբայական բնագրից է թարգմանուել: Իսկ այն հանդամանքը, թէ այդ ներ-
 մուծումը հայկական բնագրի մէջ՝ առաջին անգամ մեզ յայտնի է Երեւանի No
 180 ձեռագրով, որը, ինչպէս նշեցինք, Հեթում Բ-ի Աստուածաշունչն է, գրու-
 ւած 1295 թ., կարող էր մտածել տալ, թէ այս ներմուծումը Հեթում Բ-ին վե-
 րադրուած փոփոխութիւններից մէկն է: Բայց այստեղ տակաւին հարց է առա-
 ջանում, թէ արդեօք չկա՞ն եւ մի օր չե՞ն յայտնուի նոյն ներմուծումն ունեցող
 ուրիշ ձեռագրեր, որոնք 1295 թուականից առաջ գրուած լինեն: Միւս կողմից՝
 Հեթում Բ-ի բնագրի մէջ նկատուող այդ փաստը դեռ բնագրական իրական փո-
 փոխութիւն չէ, որովհետև, ինչպէս տեսանք, Սիմաբոսի ընթերցուածն այն-
 տեղ ներմուծուած է հին ընթերցուածի հետ համատեղման կարգով եւ ոչ փո-
 խարհիմամբ: Այսպէս որ՝ մեր կարծիքով դժուար է այս միակ եւ այն էլ որբա-
 գրական հանգամանք չկրող օրինակի վրայ հիմնուելով աւելք տալ այն մեղա-
 ցրական կարծիքին, թէ Հեթում Բ-ը խաթարել է հայկական բնագիրը: Բայց
 մեզ համար հարցը սրանով չի փակուում, որովհետև Հեթում Բ-ի հասցէին եւ
 դրած մեղադրանքները լուրջ երեւոյթ են կրում եւ պէտք է հանդամանօրէն
 պարզուեն:

Ի՞նչ է ստուում:

Մենք ձեռքի տակ չունենք ոչ Բրենդենկամպի եւ ոչ էլ էյխորնի որ-
 յածները, որոնք Մեսրոպ Վրդ. Յէր Մովսիսեանի կողմից են յիշատակուում,
 բայց չենք կասկածում, որ նրանց աղբիւրները կը լինեն Լակրոզն ու Վիստոն
 եղբայրները, քանի որ իրենք հայադէտներ չեն: Իսկ Վիստոն եղբայրների կար-
 ծիքն այս հարցում բաւականին զուսպ է եւ հազիւ թէ կարելի լինի նրանց պատ-
 էկերացնել մեղադրողի դերում⁶⁷: Իսկական մեղադրողը Լակրոզն էր:

Լակրոզը թիւրիմացութիւնների մէջ է եղել այս հարցում: Նա է, որ
 հրատարակ է հանել այն կարծիքը, թէ 1666-68 թթ. Ամստերդամում Ոսկան Ե-
 բեանցու հրատարակած Աստուածաշնչի նախադադափար օրինակը Հեթում Բ-ի
 ձեռագիր Աստուածաշունչն է եղել եւ այդ կարծիքը մինչևեւ այսօր յարատեւել
 է բանասիրական գրականութեան մէջ: Իսկ ի՞նչ հիման վրայ էր Լակրոզը կայ-
 մել այդ կարծիքը:

Դա երևում է նրա երկու նամակներից, որոնցից առաջինը 1733 թ.
 ուղղուած է Անտոնիոս Աքարդոսին⁶⁸, իսկ երկրորդը՝ Ալբերտոս Բենդելիտոսին,
 որում մօտաւորապէս 1734 թ.⁶⁹: Նա ստում էր, որ Փարիզի Արքայական Մա-
 տենադարանում Հեթում թագաւորի ձեռագիր Աստուածաշնչից գտնուում են
 «փակերական հատուածներ» (fragmenta authentica), որոնց մասին նա տեղե-
 կութիւն էր ստացել 2. 2. Սքրոզերից: Թէ ի՞նչ էին ներկայացնում այդ հատ-
 ւածները՝ երևում է Լակրոզի հաղորդած հետեւեալ տեղեկութիւններից.

1. Հեթում թագաւորի Աստուածաշունչը գրուած է Քրիստոսի 1295
 թուականին եւ Հայոց 744 թուականին: Թուականը նշուած է Հեթումի «նախա-
 րանքում» (praefatio):
2. Պարունակում է Հեթումի «ոտանաւոր նախարանք» (praefatio
 metrica, իմա՝ «Ոտանաւոր բարեպաշտի թագաւորին Հայոց Հեթմոյ»):
3. Պարունակում է Հերոնիմոսի բոլոր նախադրութիւններն ու առա-

⁶⁷ Տե՛ս՝ "Mosis Chorenensis Historiae Armeniacae, libri III", Londoni 1736, p. XI.
⁶⁸ "Thesauri epistolici Lacroziani tomus III", p. 4.
⁶⁹ Ibidem, p. 69.

Ջարանք (Praefationes et Prologus gealeatus), որ լատիներէնից հայերէնի է թարգմանել շեթումք, անուշա Լակրոզի կարծիքով :

Յայտնի չէ, թէ Լակրոզն ի՞նչ էր հասկանում վաւերական հառուածներ անկով. շեթում Բ-ի Աստուածաշնչից (ընազրից) իսկական մասե՞ր, որոնք ընկել էին Փարիզ, թէ նրանից հաւատարմօրէն արտադրուած մասեր⁷⁰ : Բնութի դէպքերում՝ նա հաւատացած էր, որ դրանք շեթում թագաւորի Աստուածաշնչի մասերն են :

Լակրոզն հետաքրքրողը հայկական ընազրի հարազատութեան հարցն էր :

Փարիզեան «վաւերական հատուածներ»ի հետ համեմատութեան դրնելով Ոսկանեան Աստուածաշնչի ընազրերը, որի մէջ խիստ զգալի են Վուլգատայի հիման վրայ կատարուած ընազրական խախտումները, նա գտնում էր, որ այդ եղծումների հեղինակը ոչ թէ Ոսկան Երեւանցին է, այլ շեթում թագաւորը : Նրա կարծիքով՝ շեթումք հայկական ընազրերը Վուլգատային յարմարցնելու համար այնքան ջանասէր ու մանրակրկիտ աշխատանք էր կատարել, որ նոյնիսկ Հերոնիմոսի յարակից գործերն էլ էր Վուլգատայից թարգմանել. շեթմեան այս ընազրն, ըստ Լակրոզի, այնուհետեւ տիպական էր դարձել : Աստուածաշնչի ընդօրինակութիւնների համար եւ Ոսկանի հրատարակութիւնն էլ ուրիշ բան չէր, եթէ ոչ լոկ նրա վերարտադրութիւնը : Այստեղից էլ այն եզրակացութիւնը, թէ հայկական անեղծ ընազրերը գտնելու համար հարկ է Հայաստանում որոնել այնպիսի ձեռագրեր, որոնք ընդօրինակուած լինեն նախահիմնեան շրջանում :

Այս եզրակացութիւնը, գիտնականների համար այնքան ուշադրաւ, ընդհանար իր ուժը պիտի պահէր մինչեւ մեր օրերը, այնպէս որ Ֆ. Մակլիբը եւս, 1919 թ., հաշուի նստելով դրա հետ, գտնում էր, որ «Հայկական Աւետարանի ընազրի վերարեբեայ հետազոտութիւնների համար պէտք է ամէն դէպքում ընտրել նախակիրիկեան շրջանի ձեռագրեր»⁷¹ :

Բայց այս եզրակացութիւնը հիմնուած էր աւաղի վրայ : Թիւրիմացութիւնն այնպէս էր, որ «վաւերական հատուածներ»ը շեթում թագաւորի աշխատանքն էին համարուում : Մենք, որ այսօր ձեռքի տակ ունենք շեթում Բ-ի ձեռագիր Աստուածաշունչը, ի վիճակի ենք ստոյգ խօսք ասելու այդ մասին :

Շեթմեան ձեռագիրն իրօք գրուած է Քրիստոսի 1295 եւ Հայոց 744 թուականին, բայց այդ թուականը նշուած է ձեռագրի ոչ թէ նախարանում, որպիսին գոյութիւն չունի, այլ վերջում գտնուող նրա յիշատակարանում. ձեռագիրն իրօք պարունակում է շեթում թագաւորի ոտանաւորը, բայց այդ ոտանաւորը գտնուում է ոչ թէ նրա նախարանում կամ նախարանից յետոյ, այլ՝ Երջում գտնուող յիշատակարանից յետոյ. եւ վերջապէս ձեռագրում ոչ մի հետք չկայ Հերոնիմոսի նախագրութիւններից ու առաջարանից, որոնք, Լակրոզի կարծիքով, պիտի թարգմանուած լինէին շեթում թագաւորի կողմից :

Հաշուի առնելով այս հիմնական տարբերութիւնները եւ Լակրոզի այն հաւատումը, թէ Ոսկան Երեւանցու օգտագործածը փարիզեան «վաւերական հատուածներ»ն են, մենք գալիս ենք այն համոզման, որ այդ հատուածներն ուրիշ բան չէին, եթէ ոչ Ոսկանի կողմից պատրաստուած նիւթեր, ի մի բերուած գանազան ազրիւրներից եւ ամփոփուած երեք տետրակների մէջ. այսպէս՝

1. Շեթում Բ-ի Աստուածաշնչի յիշատակարանը (Հանուած Երեւանի

⁷⁰ Զարմանալի է, որ այս ձեռագրի հետքերը չեն երևում Փարիզի հայերէն ձեռագրերի ցուցակում, որ հրատարակել է Ֆ. Մակլիբը :

⁷¹ F. Macler, "Le texte arménien de l'Évangile d'après Matthieu et Marc", p. 24-25.

№ 180 ձևազրկի) : Լակրոզը կարծում էր, թէ սա Հեթումի նախարանն է, որովհետև այս տետրակը ամէնից առաջ էր զետեղուած :

2. Հեթում Բ-ի սասնաւորը (հանուած նոյն № 180 ձևազրկի) : Լակրոզը կարծում էր, որ սա Հեթումի սասնաւոր նախարանն է, որովհետև այս տետրակը նախորդից յետոյ էր զետեղուած :

3. Հերոնիմոսի նախադրութիւններն ու առջարանը՝ թարգմանուած նոյնինքն Ոսկանի կողմից (հանուած լատիներէն Վուլգատայից) : Լակրոզը կարծում էր, որ այս թարգմանութիւնը եւս Հեթումից էր, որովհետև այս տետրակը Հեթումի նախորդ երկու հատուածներից յետոյ էր զետեղուած :

Յայտնի է, որ Ոսկանն իր հրատարակութեան մէջ մուծել է միայն վերջին երկու հատուածները (տետրակները) :

Կարելի է հաստատօրէն ասել, որ Լակրոզը ձեռքի տակ չի ունեցել Հեթումի Աստուածաշնչի որևէ ընդօրինակութիւն, որպէսզի նրա վրայ հիմնէր իր կարծիքը : Նա կաթողիկոսայ թղթերից մէկի հետ կապուած բնագրական մի հատուած քննելու համար զիջելով Ոսկանի հրատարակութեանը եւ նրա բնագիրը նոյն համարելով Հեթումի բնագրի հետ, արտասանք է յայտնում, որ Հեթումի ժամանակաշրջանից աւելի հին ձևազրկեր յայտնի չեն՝ խնդիրը պարզելու համար. ուրեմն՝ եթէ նա Հեթումի բնագիրը ձեռքի տակ ունեցած լինէր, նրանով էլ տեղնուտեղը պարզած կը լինէր իրեն յուզող հարցը, տեսնելով, որ Ոսկանինը եւ Հեթումինը տարբեր բնագրեր են եւ թէ Հեթումինը հայկական հենց այն հին ու անկոծ բնագիրն է, որ իր՝ Լակրոզի կարծիքով պէտք էր որոնել նախահեթման ժամանակաշրջանի ձևազրկերում : Պարզենք մեր ասածը :

Առ Անտոնիոս Աբարդոս ուղղած նամակում Լակրոզը զրազուում էր Յովհաննու Ա. թղթի մի հատուածով, որը բանասիրութեան մէջ յայտնի է «Comma Johannaicum» անունով⁷² : Այդ հատուածը, որ, ըստ լատինական բրնայրի, թղթի Ե գլխի 7 տունն է (6 եւ 8 տների յարակից մասերով), Վուլգատայից է առջացել⁷³ եւ է հետեւեալը՝ ըստ Ոսկանեան լատինացած բնագրի.

6. ... երէ Քրիստոս է նշարտութիւն.

7. Զի երեք են, որք վկայեն յերկինս՝ հայր, բանն եւ հոգին սուրբ. եւ երեքինս մի են.

8. Եւ երեք են, որք վկայեն յերկրի՝ հոգի, ջուր, եւ արիւն. եւ երեքինն մի են⁷⁴ :

Այս բնագրին էր յայտնի՝ Ոսկանի օրերից : Հետագայում Աստուածաշնչի Զօհրապեան քննական հրատարակութեամբ յայտնի դարձաւ, որ հայկական բնթերցումը տարբեր էր, այսինքն՝

6. ... զի հոգին իսկ է նշարտութիւն.

7. Սոքա երեքին են որ վկայեն.

⁷² Տե՛ս Aug. Bludau. "Das Comma Johannaicum in den orientalischen Übersetzungen und Bibeldrucken", Oriens Christianus, III, Roma, 1903. Հայերէն ամբողջումը՝ Հանգէս Աստուբայ, 1904, էջ 62 : Է. Գ. Գալիլեւսեան, «Թուղթ Յովհ. Ա. կաթողիկոսայց, գլուխ Ե», համար 7-8՝ առ հայտ, անդ, 1906, էջ 225-234 : Է. Պ. Ֆերնաբեան, «Թուղթ Յովհաննու Ա. գլ. Ե, § 6-8», անդ, 1908, էջ 63-64 : Այս հարցով զբաղուել են նաև Լակրոզի ժամանակակից վիստոն եզրայրները, տե՛ս "Mosis Chorenensis Historiae Armeniacae, libri III", p. XVIII-XIX.

⁷³ "Biblia Sacra Vulgatae editionis juxta exemplaria ex Typographia Apostolica Vaticana Romae 1592 et 1593", t. IV, Ratisbonae, 1862, p. 425. Այսուհետև այս հրատարակութիւնը կը նշենք "Vulg" ձևով :

⁷⁴ Տե՛ս՝ «Աստուածաշունչ Հնոց եւ նորոց Կտակարանաց ներ պարունակող» (հրատ. Ոսկան Երևանցու), Ամստերդամ, 1606, մասն Բ, էջ 63 :

Այսուհետև այս հրատարակութիւնը կը նշենք «Ոսկ.» ձևով :

8. Հոգին, եւ ջուրն, եւ արիւնն. եւ երեքին մի են (Ձօհր. 761)⁷⁵ :

Այսպէս է նաեւ յունարէն բնագրում⁷⁶, որի հարազատ արտայայտիչն է հայկականը: Ի դէպ՝ այսպէս ունեն նաեւ Երեւանի Պետ. Մատենադարանի հետեւեալ ձեռագիր Աստուածաշնչերը, որոնք 1262-1292 թթ. շրջանից են. No 4243 (էջ 58բ), No 345 (էջ 745բ) եւ No 179 (էջ 477ա):

Լակրոզը ճիշդ էր կռահում, որ հայկական Սահակ-Մեսրոպեան բրնազիրը պիտի չունենար Վուլգատային յատուկ առանձնայատկութիւնը. եւ որովհետեւ համոզուած էր, որ այդ յաւելումն առաջին անգամ Հեթումի օրինակում էր կատարուել; ապա նրա համար մեծ անակնկալ կը լինէր, եթէ յանկարծ պարզուէր, որ Հեթումի Աստուածաշունչը, տարբերուելով Ոսկանեանից, տալիս էր հայկական հին ընթերցումը: Եւ ահա՛ այդպէս էլ մենք Երեւանի No 180 ձեռագրում դտնում ենք այն. «Ձի հոգին իսկ է ճշմարտութիւն. սոքա երեքին են որ վկայեն՝ հոգին, եւ ջուրն, եւ արիւնն. եւ երեքին մի են» (էջ 516բ)⁷⁷ :

Այս փաստը նախ ցոյց է տալիս, որ Հեթումի բնագիրը Լակրոզի ձեռքի տակ չի եղել, երկրորդ՝ ապացուցում է, որ Հեթումի ձեռագրում հայկական թարգմանութեան բնազիրը անաղարտ էր, հակառակ Լակրոզի կարծիքին:

Հեթումի բնագրի անաղարտութեան մասին բերենք ուրիշ օրինակներ եւս:

Առ Կորնթացիս Ա թղթի ԺԲ գլխի 29 տան մէջ հայկական բնագիրն ունի մի նախադասութիւն.

Միքէ ամենեքին գորութիւնք իցեն (Ձօհր. 783) :

Այս նախադասութիւնը նոյնպէս գալիս է յունարէն բնագրից (NTG 336). Լատիներէն Վուլգատան այս նախադասութիւնը չունի. չունի նաեւ Ոսկանի հրատարակութիւնը, բայց Հեթումի օրինակը հարազատօրէն պահել է այդ մասը (ձեռ. No 180, էջ 532ա):

Ղևտական գրքի Գ. 16 ըստ հին թարգմանութեան կարգում ենք Ձօհր. սպեան հրատարակութեան մէջ.

Եւ հանցէ քահանայն ի սեղանն պտուղ ի հոտ անուշից՝ տեառն. գամեհայն մարս՝ տեառն (Ձօհր. 65) :

Ձօհրագրանի օլտաղործած 8 ձեռագրերը բոլորն էլ այսպէս ունեն: Եւ ինչ ընթերցուածն ունի նաեւ Հեթումի օրինակը (ձեռ. No 180, էջ 51ա): Թարգմանութիւնը լիովին համապատասխանում է յունարէն Եօթանասնից բրնազրին (Sept. I 191): Բայց Վուլգատան երբայական բնագրից այլ կերպ է թարգմանել այս (Vulg. I 163) եւ դրա ազդեցութեամբ էլ Ոսկանը փոփոխել ու խմբադրել է այն.

Եւ հանցէ քահանայն ի սեղանն պտուղ ի հոտ անուշից տեառն. ամեհայն մարս տեառն եղիցի (Ոսկ. Ա 104) :

Ճիշդ է, որ յունարէն բնագիրը կարող էր նաեւ այսպէս հասկացուել.

⁷⁵ Տեսաւուք մենք ենք փոխել: տե՛ս յաջորդ ծանօթագրութիւնը:

⁷⁶ Հմմտ. "Novum Testamentum graeae; recensionis Tischendorffianae ultimae textum cum Tregellesiano et Westcottii-Hortiano contulit et brevi adnotatione critica additisque locis parallelis illustravit Oscar de Gebhardt", ed. stereotypa octava. Lipsiae, 1901, p. 292-293.

Այսուհետեւ այս հրատարակութիւնը կը նշենք "NTG" ձևով:

Ըստ յունարէն բնագրի հրատարակութեան՝ Ձօհրագրանի կատարած անասումը սրբագրութեան էր կարտում:

⁷⁷ Այն ընթերցումն ունի նաեւ Հեթումի Բ-ի ձեռագրը, գրուած 1286 թ., տե՛ս՝ Երեւանի Պետ. Մատենադարանի ձեռ. № 979 (էջ 282բ):

բայց Ոսկանը յունարէն չգիտէր, ուստի եւ նա այստեղ եւս Վուլգատային է հետեւել:

Առական գրքի Լ. 30 տունը Սահակ-Մեհրոպեան թարգմանութեան մէջ ունի՝

Եւ ոչ քիկունս դարձուցանէ յանասնոց (Ձօհր. 448):

Ձօհրապեանի հրատարակութեան համար օգտագործուած 8 ձեռագրերը բոլորն էլ այսպէս ունեն՝ համապատասխանելով յունարէն Եօթանասնից բնագրին (Sept. II 466): Այս հարադատ ընթերցումն ունի նաեւ Հեթում Բ-ի օրինակը (ձեռ. No 180, էջ 329բ): Իսկ Ոսկանի հրատարակութիւնը շեղուած է.

Եւ ոչ գրիկունս դարձուցանէ ի քշնամոյ (Ոսկ. Բ 112):

Այս սրբագրութիւնը թէեւ Վուլգատայից բառացի թարգմանուելու արդիւնք չէ, բայց նրա ազդեցութեամբ է կատարուած (Հմմտ. Vulg. II 422):

Բերենք մի օրինակ եւս, որը շատ ուշագրաւ է:

Առ Հոսմայեցիս Ը. 38 տան մէջ, ըստ Ձօհրապեանի հրատարակութեան, Սահակ-Մեհրոպեան թարգմանութիւնն ունի.

Ոչ մահ, եւ ոչ կեանք, եւ ոչ հրեշտակք, եւ ոչ իշխանութիւնք, եւ ոչ որ կանս, եւ ոչ հանդերձեալքն եւ ոչ զօրութիւնք (Ձօհր. 772):

Այսպէս ունեն Ձօհրապեանի բոլոր ձեռագրերն էլ. եւ դա լիովին համապատասխանուած է յունարէն բնագրին՝ «Ὅυτε θάνατος ούτε ζωή, ούτε άγγελου ούτε άρχαί. ούτε ένεστώτα ούτε μελλούτα. ούτε δυνάμεις» (NTG 309). Ի հարկէ՝ այսպէս ունի նաեւ Հեթում Բ-ի օրինակը (ձեռ. No 180, էջ 526բ): Սակայն Ոսկանի հրատարակութեան մէջ այս մասը խճրագրուած է.

Ոչ մահ, եւ ոչ կեանք, եւ ոչ հրեշտակք, եւ ոչ իշխանութիւնք, եւ ոչ զօրութիւնք, եւ ոչ որ կանս, եւ ոչ հանդերձեալքն, եւ ոչ կարողութիւն (Ոսկ. Բ 612):

Այս փոփոխութիւնն ուղղակի հիմնուած է Վուլգատայի վրայ, որ է՝ «Neque mors, neque vita, neque angeli, neque principatus, neque virtutes, neque instantia, neque futura, neque fortitudo» (Vulg. III 283-4):

Թէ ի՞նչ ձևով է տեղի ունեցել խճրագրումը՝ ցոյց կը տայ հետեւեալ համադրական սխալները.

Դասական բնագիր (ըստ Եօթանասնից)	Ոսկանի բնագիր (ըստ Վուլգատայի)
1. Ոչ մահ (ούτε θάνατος)	= Ոչ մահ (neque mors)
2. եւ ոչ կեանք (ούτε ζωή)	= եւ ոչ կեանք (neque vita)
3. եւ ոչ հրեշտակք (ούτε άγγελου)	= եւ ոչ հրեշտակք (neque angeli)
4. եւ ոչ իշխանութիւնք (ούτε άρχαί) =	եւ ոչ իշխանութիւնք (neque principatus)
5.	= եւ ոչ զօրութիւնք (neque virtutes)
6. եւ ոչ որ կանս (ούτε ένεστώτα)	= եւ ոչ որ կանս (neque instantia)
7. եւ ոչ հանդերձեալքն (ούτε μελλούτα) =	եւ ոչ հանդերձեալքն (neque futura)
8. եւ ոչ զօրութիւնք (ούτε δυνάμεις) =
9.	= եւ ոչ կարողութիւն (neque fortitudo)

Ուշագրաւ է նաեւ Բարուք Ա. 17 տան խճրիրը, որը դարձեալ Վուլգատայի առանձնաշատութիւններէից է: Այս տունը, որ քերականօրէն կապուած է նախորդ տան հետ, յունարէնում ունի. «ὡν ήμάροτομεν ένωσσι Κυρίου» (Sept. III 352), այսինքն մեր թարգմանութեամբ՝ «մեղաք առջի տեառն», իսկ հայերէն դասական թարգմանութիւնն ունի միայն՝ «առաջի տեառն», ա-

ունց «մեղաք» բառի: Այսպէս է Չօհրապեանի բոլոր ձեռագիր օրինակներում (Չօհր. 592)⁷⁸ և այսպէս է նաև Հեթում Բ-ի օրինակում (ձեռ. No 180, էջ 429ր): Բայց Վուլգատան այստեղ ունի մի ամբողջ նախադասութիւն՝ «Peccavimus ante Dominum Deum nostrum et non credidimus, dissidentes in eum» (Vulg. III 196), և ըստ այնմ էլ Ոսկանը թարգմանել ու մուծել է հայկական բնագրի մէջ:

Մեղաք առաջի տեսան աստուծոյ մերոյ և ոչ հաւատացաք ապաւստմբալք ի նմանէ (Ոսկ. Բ 306):

Այս օրինակները, որոնց շարքը կարելի էր դեռ երկարել, ցոյց են տալիս, որ Հեթում Բ-ի բնագիրը լատինական Վուլգատայի հիման վրայ մուծւած աղաւաղումներից զերծ է և նախադադափար չի հանդիսացել Ոսկանեան հրատարակութեան համար:

Մի քանի այլ օրինակներով կարելի է նաև տեսնել, որ Հեթում Բ-ի Աստուածաշունչը և դարի մեր թարգմանութեան հարազատ օրինակներից է առ հասարակ:

Սարգմաններից ԿԳ 7 տունը մեր ձեռագրերից շատերում աղաւաղուած է, ինչպէս կարելի է տեսնել Չօհրապեանի հրատարակութեան մէջ:

Պատրաստեցան ի քննել զքննութիւն (Չօհր. 409):

Չօհրապեանի օգտագործած բոլոր ձեռագրերն էլ այս ընթերցումն ունեն՝ առանց բացառութեան: Այսպէս է նաև, բնականաբար, Ոսկանի հրատարակութեան մէջ (Ոսկ. Բ 53): Իսկ Հեթում Բ-ի օրինակը, մեր հնագոյն և բնարեկազոյն ձեռագրերի հետ միասին, տալիս է այլ ընթերցում (ձեռ. No 180, էջ 299ր):

Պատրաստեցան ի քննել զքննութիւն (Չօհր. 409):

Այսպէս ունեն նաև Երեւանի ձեռագրեր No 345 (էջ 418ր)՝ 1270 թրւականից, No 177 (էջ 307ր)՝ 1292 թրւականից, No 179 (էջ 268ա)՝ նոյն թրւականից, No 206 (էջ 269ր)՝ 1318 թրւականից և այլն: Եւ այս ընթերցումն է, որ ճիշդ է՝ համապատասխան յունարէն Եօթանասնից բնագրին (Sept. II 292):

Սարգսոս ճԺԳ. 9-10 տներում դասական թարգմանութիւնն ունի:

Տուն Իսրայէլի յուսացաւ ի տէր, օգնական ընդունելի է նոցա. տուն Ահարոնի յուսացաւ ի տէր, օգնական ընկերելի է նոցա (Չօհր. 424):

Այսպէս ունեն Չօհրապեանի օգտագործած բոլոր ձեռագրերը: Այսպէս ունի նաև Հեթում Բ-ի օրինակը (էջ 312ա): Բայց Ոսկան Երեւանիցին սրբագրել է՝ «...օգնական և ընդունող է նոցա... օգնական և ընկերող է նոցա» (Ոսկ. Բ 78):

Այս ձեռով նաև՝

Երեմ. ԺԵ. 10. Հեթումն ունի՝ «զարուքիւն իմ պակասեաց յանիծանելիաց իմոց» (էջ 413ր). Ոսկանի մօտ՝ «գորութիւն իմ պակասեաց յանիծողաց իմոց» (Բ մասի էջ 256-7):

Դ թագ. ԺԳ. 14. Հեթումն ունի՝ «այլ զի գործանաց գործոյն» (էջ 170ա). Ոսկանի մօտ՝ «այլ զի գործունաց գործոյ» (Ա մասի էջ 385):

Դ թագ. ԺԶ. 2. Հեթումն ունի՝ «ամաց քամից էր Աֆազ» (էջ 171ր). Ոսկանի մօտ՝ «ամաց քամեհնցից էր Աֆազ» (Ա մասի էջ 389):

Ա Հոսմ. Զ. 19. Հեթումն ունի՝ «որպէս պատրաստեցէք զանդամս

⁷⁸ Չօհրապեանի մօտ առաջի տեսնի բառերը հաշուել են 16 տան մէջ, որի հետեանքով 17 տունը բացակայում է, այնինչ՝ ըստ յունարէնի՝ այդ երկու բառերը կազմում են 17 տունը:

ձեր ծառայս պղծութեան» (էջ 525բ) . Ոսկանի մօտ՝ «Որպէս պատրաստեցիք գանձինս ձեր ծառայս պղծութեան» (Բ մասի էջ 609) :

Մասթ. ԻԳ. 32. Հեթումն ունի՝ «Եւ դուք լցիք զչափ հարց ձերոց» (էջ 462ա) . Ոսկանի մօտ՝ «Եւ դուք լցիք զչափ հարցն ձերոց» (Բ մասի էջ 461) :

Հեթում Բ-ի օրինակում յատուկ անուններն ամէնուրեք պահել են զասական տառադարձութեան ձևերը՝ Յովսիա, Յովհաննէս, Յովսէփ, Մովսէս, Ահարովն, Յակոբ, Սեգովր . եւ դա առանձնապէս աչքի է ընկնում, երբ համեմատում ենք Ոսկանի հրատարակութեան հետ. Յօսիա, Յօհաննէս, Յօսէփ, Մօսէս, Ահարօն, Յակօբ, Սեգօր :

Այս բոլորից յետոյ պարզ է, որ թիւրիմացութիւն է այն կարծիքը, թէ Հեթում Բ-ի ձևապիւր օրինակը Ոսկան Երեւանցու հրատարակած բնագիրն էր եւ հանդիսանում էր Վուլգատայի հիման վրայ սրբագրութիւնների ենթարկուած բնագիր :

Ե. ՎՈՒԼԳԱՏԱՅԻ ԻՐԱԿԱՆ ԱԶԴԵՑՈՒԹԵԱՆ ԵՒ ՀԱՅ ԴԱՍԱԿԱՆ
ԲՆԱԳՐԻ ԽԱԹԱՐՄԱՆ ՇՐՋԱՆԸ

Պէտք է զգուշանայ Աստուածաշունչ մատենի խաթարուած օրինակներից : Խաթարում պէտք է համարել բնագրի դիտակցարար կատարուած սրբադրութիւնները՝ օտար եւ անհարգատ բնագրերի հիման վրայ : Հայկական բնագրի այդպիսի խաթարման փորձեր կատարուել են՝ հիմք ունենալով լատինական Վուլգատան :

Վուլգատայի ազդեցութեան տեսակէտից ուշագրութեան արժանի է նախ մի փաստ, որը վերաբերում է ԺԶ դարին եւ լեհահայ միջնադարին : Երեւանի Պետ. Մատենադարանի № 2267 ձեռագրում Սողոմոսարանից եւ Բ Օրինաց գրքից բերուած են մի շարք քաղուածներ (էջ 43ա-52բ), որոնք Լուսիկ սարկաւազի ձեռքով են գրուած Լվովում՝ 1581 թուականին : Այդ քաղուածները ներկայացնում են որոշ սրբագրութիւնների ենթարկուած մի բնագիր, որի հետքերն ամենեւին չեն երեւում Զօհրապեանի քննական հրատարակութեան տարնթերցուածներում :

Ուշագրութեան արժանի են յատկապէս Բ Օրինաց գրքի ԺԲ դիւրին պատկանող որոշ մասեր, որոնք գտնուում են ձեռագրի 47ա-47բ էջերում : Դրանցից են հետեւեալ օրինակները .

Ընկալեալ բնագիր (Զօհր. 131)

Ձեռագիր № 2267

- | | |
|--------------------------------------|--------------------------------------|
| 24. Մաշեալք սովով եւ կերակրով քոչնոց | = Իւծեալք [եւ] գագառաքեկ գգէշ արկեալ |
| 24. Քարշել զնոսա ընդ երկիր | = Այսր եւ անդր քարշեցեմ |
| 32. Յորքոյ Սողոմայ է որք ոցա | :: [Յ]այգոյն Սողոմայ էր տունկի |
| 33. Առանց բժշկութեան | = Անհնարին |
| 35. Սիսիսցի (ոսն ոցա) | = Հարցի գգարի |
| 38. Զնարպ գոհից ոցա | = Զնարպս սպանդիցն |

Դժբախտաբար այս քաղուածներն ամբողջական նախադասութիւններ չեն ներկայացնում, այլ միայն առանձին բառեր՝ հայերէն-կոմաներէն հաւասարումներով⁷⁹, ուստի եւ բնագիրը հանգամանօրէն ուսումնասիրելու հնարա-

⁷⁹ Մենք կոմաներէնը բաց ենք թողել՝ հայերէն մասերը համեմատելու համար ընկալեալ բնագրի հետ :

ւորութիւն չեն տալիս : Սակայն կարծում ենք, որ Լեհաստանի պայմաններում կատարուած այս սրբազրութիւնների ծագումը պէտք է որոնել Վուլգատայում : Լեհաստանի սահմաններում ընդօրինակուած ձեռագիր Աստուածաշնչի բի շարքում անշուշտ կը գտնուեն այնպիսիներ, որոնք կը համապատասխանեն Լուսիկ սարկաւազի օգտագործած օրինակին :

Հայկական բնագրի խաթարման փորձերը, սակայն, հիմնականում ժէ դարում են կատարուել : Ղազար Բարերդացին Հայկական Աստուածաշնչի նախկին գլխարժանութիւններին աւրնթեր լատինականները գետեղելով հանդերձ, ինչպէս էր Հեթում Բ-ի օրինակում, որպէս նորութիւն՝ աւելացրել էր նաև լատինական գլուխների անահամարները. բացի այդ՝ նա վերջում գետեղել էր նաև Աստուածաշնչի նիւթերի երկու այբրեանական ցանկեր, մէկը՝ ըստ հին գլխարժանութիւնների, միւսը՝ ըստ լատինական գլխարժանութիւնների և տրահամարների : Ղազար Բարերդացին այս ձևով կարգաւորած իր Աստուածաշունչը 1619 թ. Լիովում ընդօրինակել է տուել Միթքոյի որդի Թորոս գրչին⁸⁰ : Նրա կատարած աշխատանքի այս հանգամանքները նկատի առնելով՝ Չօհրայեանը մտածում էր, որ բնագրի հարապատութիւնն էլ կասկածելի է . «Ոչ համարձակիմ երաշխաւոր լինել . . . ուրեք ուրեք նաև բնարանին անհուպ լինելոյ» (Չօհր. 6) : Ղազար Բարերդացու այս Աստուածաշնչի աղղեցութեան տակ գտնուող օրինակներ էին՝ Չօհրայեանի կատարած տպագրութեան համար օգտագործուած զրշագրերից չորրորդը և հինգերորդը (Չօհր. 6) : Նրանից անկախ, բայց նման հանգամանքներ ներկայացնող մի օրինակ էր նաև Չօհրայեանի օգտագործած եօթերորդ գրչագիրը, որը 1656 թ. ընդօրինակութիւն էր՝ Յովհաննէս դպիր Լեհացու ձեռքով. այս օրինակը ևս զերձ չէր «ուրեք ուրեք յարատոյ անհաւատարմութեան՝ մանաւանդ ի Նոր Կտակարանի, և ևր ի համաձայնելն զրչին զգլխակարգութիւնն ընդ լատինականին՝ երևէր ձեռն միսի և ի բնարանն» (Չօհր. 6-7) :

Սակայն Հայկական թարգմանութեան խաթարման խոշոր փորձերը Վատիկանի կողմից են արուել : 1637 թ. Սեպտեմբերից սկսած Պրոպագանդայի որսչամբ ձեռնարկումներ են լինում Հայկական հին թարգմանութիւնը համեմատելու Վուլգատայի հետ և սրբագրելու. այս աշխատանքներին մասնակցում են Իտալացի երկու հայերէնագէտ հոգևորականներ՝ Յովհաննէս Պիրոսալին և Պօղոս Պիրոմալլին, և երեք Հայեր՝ փրանկիսկեան կրօնաւոր Գաս-

⁸⁰ Այս Աստուածաշունչն այժմ գտնուում է Երևանի Պետ. Մատենադարանում, ձեռ. № 351 : Հիանալիօրէն նկարագորագրուած է : Յիշատակարանում՝ «Շնորհիւ . . . աւարտեալ եղև Աստուածաշունչ մատեանս յերկիրս Ռուզաց, ի մայրաքաղաքս Իլով, ի գունն Հահագատար Աստուածածին վանուցս . . . ի ամս կենարարին տեառն մերոյ Յիսուսի Քրիստոսի ՌՁձԹԹ.ին՝ ի թուականին Հայոց Մեծաց Ռիվ.ին . . . և յտնեալս ամենայնի գրել ետու զսեաւ գիրն Թորոս դպիր գրագրին, և զսոկէ գիրն և զձայրիկսն և զամանս ի պատկերացն ես իմ հոգանիւթ մատամբս զձագրեցի . . . այլ և զանազան գունով ձաղկեցի, և զեղեցկանկար պատկերօք կերպագրել ետու . . . : Արդ . . . խնդրեմ ի ձեզանէ որ զիս ըզնուասու Ղազար Բարերդացիս յիշեցէք ի մաքրափայլ ազօթս ձերս ևն (էջ 598բ-599ա) :

Պետ. Մատենադարանն ունի նաև այս Աստուածաշնչի մի ընդօրինակութիւնը՝ ձեռ. № 201, որի գրիչն է՝ Աստուածատուր քնն. Զուգայեցի, թուականը՝ 1660, վայրը՝ Շոշ (Սպահան) :

Ղազար Բարերդացու մասին, որը կոչուում էր նաև Վալաքացի, տե՛ս Հ. Գ. Գալէմբերեանի ընդարձակ ծանօթագրութիւնը՝ Հանդես Ամսօրեայ, 1906, էջ 227 : Տե՛ս նաև՝ Հ. Պ. Տէր-Պօղոսեան, Ղազար վ. Բարերդացի, անդ, 1906, էջ 17-30, 129-140 (շար.) :

պարբ, գոմինիկեան կրօնաւոր Յովհաննէսը եւ Կ. Պոլսի Հայոց Պատրիարք Չարբարիա Վանեցու ներկայացուցիչ Յովհաննէս Անկիւբացին, որը լատինական անուամբ կոչուած էր Յովհաննէս Մոլինոս⁸¹ : Յայտնի է, որ այս աշխատանքներն արդիւնքը եղել էր Նոր Կտակարանի համեմատութեան աւարտումը 1639 թ. Մարտին⁸², բայց Հին Կտակարանի մասին տեղեկութիւններ չունենք :

Այնու ամենայնիւ Վատիկանի կատարած այդ ձեռնարկումները որոշ արդիւնքներ տուին հետագայում Պօղոս Պիրոմալլիի ջանքերով : Վերջինս 1642-47 թթ. էջմիածնում ծանօթութիւն հաստատելով Ոսկան Երեւանցու հետ, նրան գաղափարակից ու գործակից է դարձնում իրեն : Այդ մասին Հ. Միք. Չամչեանն ասում է .

«Եւ յայտ նուազի՝ յորժամ ի Հայս էր Պօղոս կրօնաւոր, գտեալ զՍուկան վարդապետ՝ խօսեցաւ ընդ նմա վասն որբադրութեան Աստուածաշնչին . յայնժամ վերստին բաղդատութեամբ յաւելին երկոքին նոքա այլ եւս փոփոխութիւնս, և խանդարեցին բազում ուրեք զվայելչութիւն շարադրութեանն, ուրեք ուրեք եւ զմիտս բանին, այլազգ իմանալով»⁸³ : Ստանդարտած այս բնագիրը 1666/68 թթ. տպագրութեամբ լոյս տեսաւ Ամստերդամում եւ յայտնի է Ոսկանի Աստուածաշունչ անունով :

Աստուածաշնչի Ոսկանեան հրատարակութիւնը, որպէս տպագրական գործ, մեծ գովեստի է արժանացել, բայց բնագրական տեսակէտից չափ է բըննադատուել :

Բնագրի մասին խօսելով՝ Չամչեանն ասում է, որ Ոսկանը «նախ՝ թարգմանեաց ի լատինէ ի հայս այլատարազ իմն շարագրութեամբ զգիրս Չորրորդ Եղբրասայ եւ զգիրս Յեսուայ որդւոյ Սիրաբայ», «այլայլեաց եւ գրանս Աստուածաշնչին՝ բաղդատելով զայն ընդ լատինականին . եւ այս այն է՝ զոր արար ընդ Պօղոս կրօնաւորի Լատինացւոյ», «փոփոխեաց զշարագրութիւնս իւրաքանչիւր գրոց ըստ նոր ոճոյ ոմանց, բայ ի Սաղմոսէն . թէպէտեւ յայն եւս Հասոյց ձեռն . որով եւ եղծաւ քաղցրութիւն քերթուածոց նոցին»⁸⁴ :

Չօհրապեանը եւս նոյնպիսի գնահատական ունի Ոսկանի մասին . «Աստուածաշունչ իւր՝ ըստ իմաստիցն ձեւացաւ խոնարան այլ եւ այլ թարգմանութեանց՝ հելլենականին եւ լատինականին . իսկ ըստ քերթողական արուեստին՝ խոնարանութիւն նախնի հայկական վայելչարանութեան՝ ընդ նորահնար օտարալուր բարբառոյ : Թողում եւ զոր ողջոյն գիրս Սիրաբայ՝ եւ Չորրորդ Եղբրասայ՝ հանդերձ թղթով ինչ Երեմիայ մարգարէի, իբրեւ ամբողջական մատունս՝ թարգմանեալ ի լատինականէն՝ իւրովն իսկ թերուսումն հրմուտութեամբ բարբառոյն այնորիկ, յաւել ի մերս խուժաղոժ հայկարանութեամբ» (Չօհր. 8) :

Այսպէս եւ ուրիշ քննադատներ, որոնք նախանձախնդիր են եղել հայկական բնագրի անադարտութեանը :

Մենք Ոսկանեան Աստուածաշնչի բնագրի մասին նախորդ էջերում փաստօրէն յայտնեցինք մեր կարծիքը՝ Հեթում Բ-ի դրչադիր Աստուածաշնչի մասին խօսելիս, ապացուցելով, որ վերջինս Ոսկանեան հրատարակութեան նախադադափար օրինակը չէ : Բայց միաժամանակ պիտի աւելացնել, որ Ոսկան Երեւանցին օգտագործել է Հեթում Բ-ի օրինակը :

⁸¹ Հ. Գ. Գալէմբարեան, «Հայ Աստուածաշունչի տպագրութեան ջանքեր Ոսկանէն յառաջ», Հանդէս Ամսօրեայ, 1914, էջ 14 :

⁸² Անդ, էջ 14 :

⁸³ Հ. Մ. Չամչեան, «Պատմութիւն Հայոց», հտ. Գ, Վենետիկ, 1786, էջ 621 :

⁸⁴ Անդ, էջ 600 :

Ոսկան Երեւանցու ուղղակի վկայութեամբ մեզ յայտնի է դառնում, որ նա Հեթում Բ-ի զբաղմունքն օգտագործել է ոչ որպէս նախագաղափար՝ իր Նրատարակութեան համար, այլ որպէս հիմք՝ իր սեփական բնագիրը կազմելու համար:

1668 թ. Ոսկան Երեւանցին ամբողջական Աստուածաշնչի հետ միաժամանակ լոյս էր ընծայում նաև Նոր Կտակարանն անանձին, որի յիշատակարանում նա բացատրում էր, որ ինքը տպագրութեան համար իր ձեռքով պատրաստել էր («իմով ձեռամբ գծեալ») մի բնագիր («բուն նախագաղափար»)․ այդ բնագիրն հիմքը («սրբագրութեան գաղափար») Հեթում Բ-ի զբաղմունքից արտագրուած մի օրինակ էր («զկնի Հեթումյ թագաւորին աստուածաշունչ», կարգա՝ աստուածաշնչին), որի վրայ նա կատարել էր բնագրական սրբագրութիւններ («ի ստուգարանութիւնս աշխատեալ»)․ այդ սրբագրութիւններէ համար նա վստահելի աղբիւր էր համարել լատինական Աստուածաշունչը («հաստատացուցիչ գաղմատականն պարզարանօղ գաղափար»)․ դրա հիման վրայ սրբագրել էր թէ՛ բառեր եւ թէ՛ նախագաղափարներ («թէ՛ առ բառս եւ թէ՛ առ բանս»)․ այդ օրինակի վրայ նա կատարել էր նաև լեզուական քերականական բաղմամբիւ ուղղումներ («թէ՛ բառ քերթողականի արհեստի՛ եւ թէ՛ գրչութեան արհեստի»), եւ այլն: Բայց այս փաստերը տեսնենք նոյնինքն Ոսկան Երեւանցու շարագրութեամբ.

«Շնորհօք եւ օժանդակութեամբ...: Արդ՝ հանդիպօղացդ սմին ընթերցմամբ կամ ստացմամբ հայցեմ բաղմաւ աղերսիւ, անմեղադիր լինիլ սղալանացն, զի բոս կարի ջանացաք ի սրբագրելն՝ քէ՛ ըստ Բերթողականի արհեստի եւ քէ՛ գրչութեան արհեստի, քէ՛ առ լծորդս, եւ թէ՛ առ թիւս նոցունց, առ հոլովս անուան եւ բայի, եւ թէ՛ առ թիւս նոցունց, առ նախագրութիւնս եւ առ պարսկայս նոցունց եւ զիտաւորութիւնս. նաև ի ստուգարանութիւնս աշխատեալ՝ որոյ բուն նախագաղափար լեալ է իմով ձեռամբ գծեալ Նոր Կտակարան՝ զկնի Հեթումյ քաղաւորին աստուածաշունչ: սրբագրութեան գաղափար՝ առ սոսայն հաստատացուցիչ գաղմատականն պարզարանօղ գաղափար՝ քէ՛ առ բառս եւ քէ՛ բանս, զի մի՛ երկրայական թիւրութիւն ինչ ի ներս անկցի, որպէս գոյ բնառեալ ի մէջ գրոց մերոց ի գրչաց անհմտից եւ անվորժից» եւ այլն⁸⁵:

Այս յիշատակարանից անտարակուսելիօրէն պարզուած է, որ Ոսկան Երեւանցին արքայական Աստուածաշնչի բնագրականութիւնն («սրբագրութեան գաղափար») օգտագործել է պարզապէս իր սեփական բնագիրը («բուն նախագաղափար») կազմելու համար: Եւ այս բնագիրն է, որ նա հրատարակել է:

Այստեղ մենք արդէն կարող ենք որոշակիօրէն ասել, որ Աստուածաշունչի հայերէն դասական թարգմանութեան բնագիրը եւ Ոսկանեան բնագիրը որակապէս տարբեր բնագրեր են:

Ժամանակին, անդրադառնալով արքայական Աստուածաշնչի եւ Ոսկանի հրատարակութեան աղերսի խնդրին, Կարապետ Վրդ. Տէր Միրտչեանը գրել է.

«Հեթումի Աստուածաշունչը մենք գտնում ենք ծայրէ ի ծայր սրբագրուած ու փոփոխութիւնների ենթարկուած մի օտար գրչով, որ լուսանցքներում համարաբարտ է աւելացրել, տողամէջ սրբագրութիւններ արել, տնտեսել եւ այլն: Այդ գրիչն անշուշտ ուրիշ մէկը չէ, բայց եթէ Ոսկան. շատերի կողմից նկատողութեան է առնուել արդէն եւ երբեմն չափից աւելի խստութեամբ

⁸⁵ Տե՛ս՝ «Նոր Կտակարան». Ամստերդամ, 1668, էջ 933-934:

դատապարտուել Ոսկանի հրատարակութեան գլխաւոր թերութիւնը, որ նա լաւինքէն թարգմանութեան հետեւելով աղճատել է շատ տեղ ձեռքում ունեցած հայերէն օրինակը եւ կամայական փոփոխութիւններ մտցրել նորա մէջ: Այդ փոփոխութիւններն ահա նա արել է բուն ձեռագրի վրայ՝ պատրաստելով ու յարմարեցնելով այն տպագրութեան համար, եւ բոլոր նորա անտեղի սրբագրութիւնները մտել են ի հարկէ տպագրի մէջ»⁸⁶:

Աւելացնենք, որ Ոսկանի սրբագրութիւնները գրչագրի վրայ՝ թէեւ շատ են, ինչպէս ասում է յօդուածագիրը, բայց եւ դեռ բոլորը չեն. ճիշդ է նաեւ այն, թէ Ոսկանը «բաւական զգուշութեամբ է շարժել» (վարուել) իրեն հիմք ծառայող գրչագրի հետ եւ թէ «միայն արտաքին տառական սրբագրութիւններ է արել, կամենալով միակերպութիւն մտցնել նոյն խօսքի զանազան բնթերցուածների մէջ եւ ուղղել այն սխալները, որ կարծում էր, թէ գրչադիրներին են»⁸⁷: Մեր կատարած համեմատութիւններից պարզուած է, որ Ոսկանի կատարած լեզուական եւ մանուանդ քննարկան-իմաստալին նշանակութիւն ունեցող սրբագրութիւններից շատ-շատերը չեն երեւում Հեթումի գրչագրի վրայ:

Ոսկանեան քննարկը հետզհետէ տարածուեց Աստուածաշնչի մի քանի նոր հրատարակութիւններով՝ Կ. Պոլսում (1705 թ.), Վենետիկում (1733 թ.), Պետերբուրգում (1818 թ.) եւ Սիրամպուրում (1817 թ.): Դեռ չենք հաշուած Հին եւ Նոր Կտակարանների առանձին մասերի զանազան հրատարակութիւնները, որոնք Ոսկանեան Աստուածաշնչից էին գալիս:

Ոսկանեան քննարկի հետեւողութեամբ խանգարման էր ենթարկուել նաեւ ճաշոց գիրքը: Թագէոս երէց Համազասպեանը 1686 թ. Վենետիկում հրատարակել էր ճաշոցը՝ իրեն քննարկը բնորոշելով, ինչպէս ինքն էր ասում, Հեթում Բ-ի ձեռագիր ճաշոցը, զրուած 1286 թ.⁸⁸: Կասկած ունենալով Թագէոս երէցի հաստատութեան նկատմամբ՝ Զօհրապեանը գրում էր, որ նա «ո՛ սակաւ աշխատութեամբ կարծեմ յարմարեալ զայնչափ բնթերցուածան՝ բոս Ոսկանեանն զազափարի՝ աղաւաղեալ զթագաւորականն ազնիւ օրինակ» (Զօհր. 7): Հետագայում Էջմիածնի միտրան Վահրամ Վրդ. Մանկունին, որը վաղարշապատում ճաշոցի նոր հրատարակութիւն է կատարել՝ իրեն քննարկը բնորոշելով Հեթում Բ-ի նոյն ձեռագիր ճաշոցը, իր առաջարկում հաստատում էր այն, ինչ որ միայն ենթադրել էր Զօհրապեանը, յիշեցնելով, որ «ճաշոցքն տպագրեալք մինչեւ ցայժմ՝ համաձայն էին առհասարակ Աստուածաշնչին խանդարելոյ ի տեղիս տեղիս վերիպական սրբագրութեամբք Ոսկանայ վարդապետի Երեւանցոյ»⁸⁹:

Համեմատելով ճաշոցի արքայական ձեռագիրը 1686 թ. հրատարակութեան հետ՝ մենք եւս հաստատեցինք, որ վերջինում իշխում են Ոսկանեան քննարկի բնթերցումները:

⁸⁶ Կարապետ Վրդ. Տէր Միրջեհան, «Աստուածաշնչի նոր հրատարակութիւնը», Արարես, 1902, էջ 1070-1071:

⁸⁷ Անդ, էջ 1071:

⁸⁸ Հեթում Բ-ի համար քննօրինակուած այդ ձեռագիր ճաշոցն այժմ գտնուում է Երևանի Պետ. Մատենադարանում՝ 979 համարի տակ: Ընտիր օրինակ է: Գրչութեան թուականը 1286 է, բայց գրիչն ու վայրը յայտնի չեն: Ունի հոյակապ մանրանկարներ, որոնք վերագրուում են Թորոս Թոսլինին:

⁸⁹ Մանկունու յառաջարանը, տե՛ս՝ «ճաշոց գիրքը Հայաստանեայց Եկեղեցւոյ», Վաղարշապատ, 1872, էջ 9:

Ձ. ՀԱՅԿԱԿԱՆ ԲՆԱԳՐԻ ՎԵՐԱԿԱՆԳՆՄԱՆ ՇՐՋԱՆԸ

Սակայն հայկական բնագրի անաղարտութեան հարցը, որն անխուզիբ մտահոգութեան առարկայ դարձաւ:

Ստիւտիտի Կոնստանտին Կրիստիանսկիի յարձակումը, շատերի նախանձախրն-

Մխիթար Սեբաստացին, 1733 թ. նորից հրատարակելով Աստուածաշունչը, թէև Ոսկանեան բնագրի վերաբարտագրութիւնն էր տալիս, բայց միաժամանակ քննական որոշ վերաբերմունք էր ցուցաբերում այդ գործում: Իր ձեռքի տակ ունենալով մի քանի գրչագիր օրինակներ, նա, ինչպէս ասում է իր հրատարակութեան վերջաբանում, Հին եւ նոր կտակարանների բնագրում ուղղակի սրբագրել է ժամանակի ընթացքում գրչական աղաւաղումների կնթարկուած մասեր: Օրինակ՝ Յես. Դ 4 տան մէջ Ոսկանն ունէր՝

Անեցոյց տէր գճեսու առաջի ամենայն ազգին Խորայէլի. եւ երկնչէին ի Մօսիսէ որչափ ժամանակս եւ եկեաց (Ոսկ. Ա. 218-9):

Մխիթար Սեբաստացին բնագրում ուղղում է կատարել՝

Անեցոյց տէր գճեսու առաջի ամենայն ազգին Խորայէլի. եւ երկնչէին ի նմանէ որպէս ի Մօսիսէ՝ որչափ ժամանակս եւ եկեաց⁹⁰:

Այսպէս նաև՝ Մատ. ԻԳ. 32. Ոսկանը բացայայտ աղաւաղմամբ ունէր՝

եւ դուք լցիք գլխի հարցն ձերոց (Ոսկ. Բ 461):

Մխիթարի հրատարակութեան մէջ ուղղուած է՝

եւ դուք լցէք գլխի հարցն ձերոց⁹¹:

Այս սրբագրութիւնները համապատասխանում են մեր ձեռագրերի տուեալներին, բայց դրանց թիւը հաւանաբար շատ մեծ է:

Բացի այսպիսի սրբագրութիւններից՝ Մխիթար Սեբաստացին նաև բնագրական բազմաթիւ զխտողութիւններ է նշանակել իր հրատարակութեան լուսանցքների վրայ՝ առանց փոփոխելու Ոսկանեան բնագիրը: Այդ զխտողութիւնները, որոնց նպատակը նոյնպէս եղել էր պարզել հայկական բնագրի կրթած գրչական աղաւաղումները, ներկայացնում էին 1645 թ. Փարիզում հրատարակած Եօթնընկուսեան Աստուածաշնչի հետ կատարուած համեմատութիւնները, որոնք, ինչպէս երևում է, երբեմն տալիս էին եւ ո՛չ արհամարհելի արդիւնքներ: Օրինակ՝ Դ Թագ. Ձ. 23 տունն ունի մի այսպիսի անիմաստ ընթերցում.

եւ արկ առաջի նոցա խոստ տակաւ մեծաւ (Ձօհր. 235):

Այսպէս է Ձօհրապեանի օգտագործած ձեռագրերում եւ մեզ ծանօթ բոլոր ձեռագրերում. այսպէս է նաև Ոսկանի մօտ, այն տարբերութեամբ, որ նա արկ բառը սրբագրել է եւ դարձրել է արկ (Ոսկ. Ա. 378): Այստեղ, սակայն, խօսքը խոստ տակաւ աղաւաղ բառերի մասին է: Մխիթար Սեբաստացին, նախադասութիւնը Ոսկանից առնելով հանդերձ, ուղղում է առաջարկել՝ լուսանցում աւելացնելով այսպիսի նշում. Սեղանս խորտկաւ մեծաւ⁹², եւ այդ մասին խօսել է իր վերջաբանում⁹³:

Ձեռագրական հիմքեր շունեցոց այսպիսի ճշգրտումները զխտողութիւն-

⁹⁰ Աստուածաշունչ գիրքը, Վենետիկ, 1733, էջ 194:
⁹¹ Անգ. էջ 954:
⁹² Անգ. էջ 337:
⁹³ Անգ. էջ 1274:

ների ձեռով թողնելով լուսանցներում՝ Մխիթարը զգուշաւորութիւն էր հանդէս բերում . բայց տուեալ դէպքում նրա մատնանշած ուղղումն այնքան ուշադրաւ էր, որ Պետերբուրգում 1817 թ. տպագրուած Աստուածաշնչում, որը Մխիթարի հրատարակութիւնից էր արատապուած, անխարան մուծուել է բրնայրի մէջ :

Եւ էարկ առաջի նոցա սեղանս խորակաւ մեծաւ⁹⁴ :

Ձեռագրական տուեալների վրայ չլինուող այս դիտողութիւնը, որը վերաբերում է ոչ թէ Ռսկանի բնագրին, այլ առհասարակ հայկական դասական թարգմանութեան ձեռագրերին, իրաւամբ ուշադրութեան արժանի է համարուել Հայկազեան Բառարանի հեղինակների կողմից⁹⁵ :

Մխիթար Սեբաստացու քննական այս վերաբերմունքը հայկական թարգմանութեան բնագրական հարցերում, որպէս հետեւողական դիժ, երեւում է Աստուածաշնչի եւ նրա տարբեր մասերի այն հրատարակութիւններում, որոնք հետագայում յոյս աշխարհ եկան Վենետիկի Մխիթարեանների ֆանդերով :

1752 թ. լոյս տեսած Նոր Կտակարանի անուանաթերթերում նշուած էր՝ «Տպագրեալ ըստ ուղղագոյն Հին օրինակաց ձեռագրաց» : Դժբախտաբար՝ կատարուած աշխատանքի էութեան մասին դադարաւ չենք կարողանում կազմել, որովհետեւ այս տպագրութիւնը ձեռքի տակ չունենք :

1766 թ. հրատարակուած Նոր Կտակարանի յիշատակարանից տեղեկանում ենք, որ տպագրութիւնը կատարուել է «ըստ յառաջագոյն տպագրեալ օրինակաց», բայց ենթարկուել էր բարեփոխումների . ինչպէս հրատարակիչներն են ասում՝ որոշ պակասներ լրացրել էին . «Որ ինչ ուրեք ուրեք պակաս դայր ի բուն օրինակէն որպէս ցուցանէին զըշաղիբ օրինակք, եւ թարգմանութիւնք այլոց լեզուաց, լցուցաք զայնս ի նոցանէ» . զբանից բացի՝ որոշ աշխատանքներ էին կատարել լեզուական աղճատումներից բնագրին ազատելու ուղղութեամբ . «Ի բազում տեղիս եւս եզաք ըստ ձեռագրաց՝ որչափ հնար էր, մանաւանդ ի հոլովմունս ածական անուանց . իսկ յայլ իրս, այսինքն ի խնդրատութիւնս բայից եւ ի լծորդութիւնս նոցա ի կրաւորական, կամ ի ներդրածական, ոչ մերձեցաք ինչ, որպէսզի մի՛ տաղտկայի արասցուք, զոր ինչ յատկութիւն հայկական լեզուին պահանջէ» :

1789 թ. Նոր Կտակարանը նորից են հրատարակում Մխիթարեանները՝ բնագրական նոր սրբագրութիւններով : «Վերստին բազդատեալ ընդ բուն ձեռագիր օրինակաց, — զրուած է յիշատակարանում, — սրբագրեցաք ոչ միայն ի սխալանաց սպրդելոց ի տպագրութիւնս, այլ նաեւ ուրեք ուրեք՝ մանաւանդ ի թուղթան Պոզոսի ուղղագրեցաք ըստ ընտրելադոյն ձեռագրաց, յորում մասին թերի գտանէր Նոր Կտակարանն մեր ըստ ձեռագրաց տպագրեալ յամի տեսան 1752, առ նուագութեան ձեռագիր օրինակաց յայնժամ» : Հրատարակիչների մտահոգութիւնը եղել է ըստ հնարաւորին վերացնել այն փոփոխութիւնները, որ բնագրի մէջ մտցրել էր Ռսկան Երեւանցին, «որ ի տպագրել գառաջին գլխատուածաշունչ մեր հայկական՝ ընդդէմ հաւատարմութեան ըստ հաճոյից ձեռներէց եղեւ այլայլել բազում ուրեք բացի շարագրութենէն եւ զընտրանս իսկ՝ իրբ ուղղագրելով եւ համաձայնելով թարգմանութեան Աստուածաշնչին Լատինացոց, թերեւս սխալական եւ թերի համարեալ գմերն, որ ըստ

⁹⁴ «Աստուածաշունչ գիրք», Պետերբուրգ. 1817, էջ 310 :
⁹⁵ «Նոր Բառգիրք Հայկազեան լեզուի», հտ. Բ, Վենետիկ, 1837, էջ 839 (տե՛ս տակէ բառը) :

բանչելի յօրինուածով թարգմանեալ է ի նախնեաց անտի մերոց ի Յունական բնագրէ»։ Այնու ամենայնիւ զդուշաւորութիւնը նրանց թոյլ չի տալիս մի անգամից քարուքանդ անել ամէն ինչ, այնպէս որ Յովհաննու Ա թղթում կատարուած յայտնի աղաւաղման մասին յիշատակարանում ուշադրութիւն հրաւիրելով եւ այն քննադատելով հանգերձ՝ բնագրում նոյնութեամբ թողնում են Ոսկանի մուծած Վուլգատեան ձեւը, միայն փակագծերի մէջ առնելով տուեալ Հատուածը։

Նոյն 1789 թ. Մխիթարեանները հրատարակում են նաև Սաղմոսը՝ «բոս քնտիր օրինակաց», ինչպէս նշուած է անուանաթերթում։

Կաշկանդումների վերջնական յաղթահարումը վերապահուած էր Մխիթարեան յայտնի դիտնական Հ. Յովհ. Չօհրապեանին, որը 1805 թ. առաջին անգամ հրատարակ հաննց հայկական Աստուածաշնչի դասական բնագիրը եղևու տարբեր հրատարակութիւններով՝ միահատոր եւ քառահատոր։ Այս հրատարակութեան անուանաթերթում նշուած էր՝ «նորոգապէս ի յոյս քնծայեալ յընարեկալոյն գրադիր զազափարէ՝ համեմատութեամբ այլ եւ այլ օրինակաց»։

Հրատարակութեան նախարանից տեղեկանում ենք, որ Չօհրապեանի օգտագործած հիմնական ձեռագիրը (Վենետիկի Մխիթարեան Մատենադարանի ձեռ. № 1) 1319 թ. արտագրուած էր, հաւանաբար Կիլիկիայում, ԺԳ դարի մատենագիր Գէորգ Սիււաջու օրինակից։ Միև օրինակները, որոնք որպէս օժանդակ են օգտագործել սոյնի հետ «ի ստուգարանութիւն կամ յուղղագրութիւն, եւ ի լրումն թերութեանցն», էին Աստուածաշնչի (Հին եւ Նոր Կտակարաններ) ուրիշ 7 օրինակներ, Աւետարանների աւելի քան 20 օրինակներ եւ Գործքի ու Առաքելական թղթերի 14 օրինակներ։ Չօհրապեանը այս օրինակների տարբերութիւնները նշել է տողատակում՝ «ի պէտս մերոց ուսումնասիրաց», չմոռանալով նաև յանուանէ նշանակել Ոսկանեան բնագրի տարբերութիւնները, որպէսզի նրանք զանազանուեն։

Չօհրապեանի Աստուածաշունչը հայկական դասական բնագրի առաջին քննական հրատարակութիւնն էր։ Չարմանայի է, որ Վենետիկի Մխիթարեաններն իրենց այս յայտնի հրատարակութիւնից յետոյ 1816 թ. նորից էին ապագրում Նոր Կտակարանը՝ «բոս օրինակի տպելոյ յամին 1789», ինչպէս շրջմուտած է գրքի ճակատում. բայց սա ըստ երևոյթիին Ոսկանեան բնագրի աղղեցութիւնն արտայայտող վերջին հրատարակութիւնն էր։

Հայկական բնագիրը Չօհրապեանից յետոյ ունեցաւ մի ուրիշ նշանաւոր հրատարակիչ եւս՝ յանձին նրա միարանակից Հ. Աբսէն Բագրատունու, որը 1860 թ. նորից յոյս քնծայեց Աստուածաշունչը՝ «բոս միարան վաղեմի բրչադրաց մերոց եւ յոյն բնագրաց»։ Վերնագրային այս նշումը ցոյց է տալիս, որ Բագրատունու հրատարակութիւնը Չօհրապեանի հրատարակութեան սոսկ վերարտադրութիւնը չէր։ Թէև Բագրատունին որևէ նախարան կամ յիշատակարան չի կցել իր հրատարակութեանը, բայց նրա կատարած աշխատանքի էութիւնը չի վրիպել մասնաղէտների ուշադրութիւնից։ Կարապետ Վրդ. Տէր Մկրտչեանը, որը հետագայում Աստուածաշնչի բնագրական հարցերով էր զբաղուած էջմիածնում, գտնում էր, որ Բագրատունին, իրեն հիմք ընդունելով Չօհրապեանի հրատարակութիւնը, վերջինիս լուսանցներում գտնուող տարբերութեանցումներին եւ Մխիթար Մերաստացու հրատարակութեան դիտողութիւնների հիման վրայ որոշ ուղղումներ էր կատարել, իսկ Եօթնասնից յունարէն բնագրից օգտուել էր իմաստը ճշդելու, նախապատիւ ընթերցումները որոշելու եւ կէտադրութեան համար. Կարապետ Վարդապետի զնահատ-

ժամը՝ Բաղրատունին «ստաջինն է եղել, որ բուն գիտական եղանակով ձեռքի տակ եղած օրինակներից մի ընդհանուր բնագիր է կաղծել, և իւր ընդարձակ բարոնման ու հայերէնի մեծ հմտութեան շնորհիւ յաջողել է առհասարակ ուղիղը դանել»⁹⁶ :

Պարզ է, որ Չօհրապեանի և Բաղրատունու այս հրատարակութիւններից յետոյ Ոսկանեան բնագիրը վերջնականապէս դուրս եկաւ շրջանառութիւնից : Ե դարի մեր թարգմանութեան բնագիրը լոյս աշխարհ գալով՝ յաղթականօրէն մուտք գործեց գիտութեան բնագաւառում, առաքիլայ դարձաւ բանասիրական բաղձապիտի ուսումնասիրութիւնների, ուսումնասիրութիւններ, որոնց համար յուսալի արդիւնքներ չէր կարողացել ապահովել Ոսկանեան հրատարակութիւնը . վկայ՝ նոյնիակ միայն այն թիւրիմացութիւնը, որին գոչ էր գնացել Լակրոզը՝ Յովհաննու Ա թղթի յայտնի հատուածի հարցում, ինչպէս նշեցինք վերելում :

Է. ԻՆՁ Է ՄՆՈՒՄ ԱՆԵԼՈՒՒ ԲՆԱԳՐԻ ՎԵՐԱԿԱՆԳՆՄԱՆ ԲՆԱԳԱԻԱՌՈՒՄ

Հայ դասական բնագրի վերականգնման ուղու վրայ, ի հարկէ, վերջնական հանգրուաններ չեն նաեւ Չօհրապեանի և նրանից բխող՝ Բաղրատունու հրատարակութիւնները : Բանասէրների կողմից պատահական և մասնակի առիթներով յաճախ է նշուել, որ ձեռագրերում գոյութիւն ունեն բնագրական աւելի հին և աւելի ճիշդ ընթերցումներ : Երկայ յօդուածի նախորդ էջերում, ժԳ դարի ձեռագրերի հիման վրայ, մի քանի տեղ մենք ևս առիթ ունեցանք աւուղղակիօրէն նշելու, որ Չօհրապեանի հրատարակած բնագրի որոշ մասեր սրբապրութեան են կարօտում . օրինակ՝ Բ թագ . Գ . 33 . «Միթէ որպէս մեռանիցի անզգամ, մեռաւ Արեւններ» նախադասութիւնը, որը, Չօհրապեանի օգտագործած բոլոր ձեռագրերի համաձայն, բնագրի մէջ է գտնուում, հին ձեռագրերում արտաբնագրային ընթերցում է, լուսանցապրութիւն է . կամ թէ՛ Սաղմ . ԿԳ . 7 տան մէջ Չօհրապեանի հրատարակած բնագրի «պատրաստեցան» բառը, որը նրա օգտագործած ձեռագրերի միակ ընթերցումն է, հին ձեռագրերում «պարտասեցան» է : Եւ հին ձեռագրերի հիման վրայ առաջացող այս ճշգումներն արդարանում են յունական բնագրի համեմատութիւններով :

Անտարակոյս Չօհրապեանի հրատարակած բնագրի նմանօրինակ թեթուութիւններ լուկ արդիւնք են այն իրողութեան, որ նա, դժբախտաբար, ձեռքի տակ չի ունեցել հին և ընտիր օրինակներ : Ինչպէս նշեցինք՝ նրա օգտագործած ձեռագրերի մէջ հնագոյնը, որի վրայ և յենուել է, 1319 թուականից էր : Ուստի և հասկանալի է, որ հայկական բնագրի վերականգնման դործում բանասիրութեանը դեռ մնում են անելիքներ, և այդ գործը զերազանցապէս կապւած է հին և ընտիր ձեռագրերի ուսումնասիրութեան հետ :

Յայտնի է, որ այսօր աշխարհի գլխաւոր մատենադարաններում՝ Երեւանում, Երուսաղէմում, Վենետիկում, Վիեննայում, Փարիզում, Բեռլինում, Հոտմում, Լոնդոնում, Օքսֆորդում և այլուր, որտեղ հայերէն ձեռագրեր են պահուում, ինչպէս նաեւ մասնաւորների մօտ, գտնուում են Հին և Նոր Կտակարանների ամբողջական և մասնակի (Սաղմոսարաններ, Աւետարաններ, առաքելական թղթեր և այլն) օրինակներ, որոնց թիւը, զանազան զըր-

⁹⁶ Կարապետ վրդ . Տէր Մկր չեան, «Աստուածաշուշնի նոր հրատարակութիւնը», էջ 1076 - 1077 :

չազիր ժողովածուններում պահպանուած բեկորների հետ միասին, հազարների է հասնում : Յոթ կարևոր խնդիր է աշխարհով մէկ ցրուած այդ ձեռագրերի մէջ որոնումն ու որոշումը այն հնագոյն ու լուսագոյն օրինակների, որոնց միջոցով հնարաւոր կը լինի երեւան բերել հայկական թարգմանութեան բուն՝ Սահակ-Մեսրոպեան բնագրական նկարագիրը, որը որոշ չափով եղծուել ու պաւաղուել է դարերի ընթացքում ընդօրինակութիւնների միջոցով :

Այդպիսի հին եւ ընտիր գրչագրերից մի քանիսն արդէն վաղուց է, որ աշագրութիւն են գրուել : Այդպիսիների շարքում համբաւաւոր է Մոսկուայի Լազարեան ձեմարանի մագաղաթեայ երկաթազիր Աւետարանը, որը գրուած է 887 թ. եւ այժմ գտնուում է Երեւանում⁹⁷ : Մեծ է այս ձեռագրի գիտական նշանակութիւնը : Ժամանակին Մսեր Մսերեանցը հրատարակել է համեմատական մի փոքր ցուցակը բնագրական այն տարբերութիւնների, որ այս գրչագիրը ներկայացնում է Ամստերդամի 1698 թ. եւ Վենետիկի 1805 թ. տպագրութիւնների նկատմամբ⁹⁸. բայց նա կազմած ունէր նաեւ այդ ձեռագրի ամբողջական համեմատութիւնը, որը մնում է անտիպ, այսպիսի վերնագրով . «Համեմատութիւն Աւետարանաց, այն է՝ տպագրելոցն յԱմստերդամ յամին 1698 եւ ի Վենետիկ յամին 1805, ընդ գրչագրին զազափարելոյ ի թուին Հայոց ՅԼԶ»⁹⁹ : Հետագայում Միհրան Յովհաննէսեանի հրատարակած տեղեկութիւնների համաձայն Երուսաղէմի մատենադարանի մագաղաթեայ երկաթազիր Աւետարանը պիտի աւելի հին լինէր, քան Լազարեան ձեմարանինը, նրա գրութեան տարի համարելով 602 թուականը¹⁰⁰. բայց Մեսրոպ Վրդ. Տէր Մովսիսեանը համարել է, որ այս գրչագիրը է «ամենայն հաւանականութեամբ աւելի հին քան Լազարեան ձեմարանի ձեռագիրը, թէեւ դժուարանում ենք դարբ որոշելու»¹⁰¹ : Անտոնեան միարանութեան Օրթագրիչի (Կ. Պոլիս) մատենադարանի մագաղաթեայ հին Աւետարանը ըստ ոմանց, եւ հաւանաբար, գրուած է 716 թ., ուստի եւ սա եւս աւելի հին է համարուել, քան Լազարեան ձեմարանինը¹⁰² : Իսկ Ն. Աղոնցի քննութիւնները կարծես հաստատում են, որ Մլքեթագուհու յայտնի Աւետարանը, որը գտնուում է Վենետիկում, 25 տարով աւելի հին է, քան Լազարեան ձեմարանի Աւետարանը՝ գրուած լինելով 862 թ.¹⁰³ :

⁹⁷ Տե՛ս նրա լուսատիպ հրատարակութիւնը . Աւետարան ըստ թարգմանութեան նախնեաց մերոց, գրեալ յամի ՅԼԶ թ. Հայոց ե յամի տեառն 887 : Լուսատիպ հրատարակութիւն գրչագրի Լազարեան ձեմարանի Արեւելեան Լեզուաց : Արդեամբք պատուոյ հոգարարձու ձեմարանիս՝ Իշխան Սիմէօնի Արամէլիք-Լազարեան : Մոսկուա, ՌՅԻԸ = 1899 :

⁹⁸ Մ. Մսերեանց, «Հանգամանաց հնագոյն գրչագիր Աւետարանին՝ որ գտանի ի Մատենադարանի Լազարեան ձեմարանի», Փարիս, տեար Ե, 1876, էջ 28-39 :

⁹⁹ Հմմտ. անդ, էջ 39 : Մեզ յայտնի չէ, թէ այժմ ուր է գտնուում Մ. Մսերեանցի այս թանկարժէք երկը :

¹⁰⁰ Մ. Յովհաննէսեան, «Հնագոյն Աւետարանը», Բիւրակն, 1900, № 30, էջ 479 : Նոյն, «Հնագոյն գրչագիր Աւետարանը», անդ, № 38, էջ 595-597 : Նոյն, «Հնագոյն հայ գրչագրերն», Բաղսաէր, 1900, էջ 117-118 :

¹⁰¹ Մեսրոպ վրդ. Տէր-Մովսիսեան, «Հնագոյն Աւետարան Երուսաղէմայ Հայոց Ս. Յակոբայ վանուց», Բազմավէպ, 1908, էջ 103-109 :

¹⁰² Սկսեալ բաղսաէր, «Օրթագրիչի Անտոնեան միարանութեան հինաւուրց մագաղաթեայ Աւետարանն», Բազմավէպ, 1897, էջ 497-499 : Մ. Հ. Սէրեան, «Անցք որ անցին ընդ հինաւուրց մագաղաթեայ Աւետարանն Անտոնեան հարց», Բազմավէպ, 1901, Օգոստ. 1-ի յաւելուած, էջ 13-15 :

¹⁰³ Ն. Աղոնց, «Մլքէի Աւետարանի գրութեան տարին», Սիոն, 1936, էջ 274-5 :

Հ. Բ. Սարգիսեանը Մլքէի Աւետարանի զրչութեան ժամանակը զնում է 851-922 թուականներ ժիջել¹⁰⁴ :

Յիշեալ ձեռագրերի զրչութեան ժամանակի մասին յայտնուած կարծիքները դուրսէ եւ որոշ առարկութիւնների ենթակայ լինեն, բայց Լազարեան Աւետարանն ունի անառարկելի թուագրութիւն, ուստի և Գարեգին կթղ. Յովուէփեանը նրա մասին գրել է. «Այս Աւետարանը թուականով մեղանում մինչև այժմ յայտնի ամենահին ձեռագիրն է»¹⁰⁵ :

Սակայն մի կողմ թողնելով Հնութեան ախտաբանութեան իրաւունքը՝ նշենք որ այսօր զոյութիւն ունեն հին ու ընտիր զրչութեամբ և բնագրական տեսակէտից արժէքաւոր ձեռագրեր, որոնց մասին կարելի է մի ընդհանուր դադարաբար կարծել՝ Երևանի, Երուսաղէմի, Վենետիկի և Վիեննայի յայտնի մատենադարանների տուեալների հիման վրայ :

Նախ նշենք Աստուածաշնչի՝ ԺԳ և ԺԴ դարերի մի շարք ամբողջական օրինակներ, նկատի ունենալով, որ այժմ աւելի Հնորը յայտնի չեն : Երևանի Հնագոյն օրինակը՝ № 194 ձեռագիրը 1207 թուականից է. դրանից յետոյ Հերթականօրէն գալիս են № 178 (1253-55 թթ.), № 4243 (1263-66 թթ.), № 142 (1269 թ.), № 345 (1270 թ.), № 1500 (1282ից առաջ), № 195 (1284-88 թթ.), № 177 (1292 թ.), № 179 (1292 թ.), № 180 (1295 թ.), № 181 (1295 թ.), № 182 (1303 թ.), № 183 (1308 թ.), № 6230 (1314 թ.), № 353 (1317 թ.), № 206 (1318 թ.), № 2627 (1338 թ.), № 2705 (1368 թ.), № 352 (1367-71 թթ.), № 4113 (1384 թ.), № 346 (1390-1400 թթ.), № 184 (1400-01 թթ.), № 354 (ԺԴ դ.) և № 6569 (ԺԴ դ.) : Վենետիկն ունի միայն երեք ձեռագիր՝ № 1 (1319 թ.), № 12 (1332 թ.) և № 8 (1341-55 թթ.) : Միայն երկու ձեռագիր է մեկ յայտնի Երուսաղէմից՝ № 146 (1214 թ., թերի) և № 153 (1323 թ.). և երկու ձեռագիր էլ Վիեննայից՝ № 71 (ԺԳ/ԺԴ դ.) և № 55 (1368-75 թթ.) :

Աւետարանի ձեռագիր օրինակները թէ՛ զրչութեամբ աւելի հին են և թէ՛ թուով շատ, քան Աստուածաշնչի ամբողջական օրինակները : Որպէս ԹԺԱ դարերից հասած օրինակներ՝ կը նշենք հետեւեալները : Երևանի Հնագոյն օրինակը, գրուած 887 թ., նախկին Լազարեան ձեռարանի Աւետարանն է, որն այժմ կրում է 6200 թուահամարը. այնուհետև ունենք՝ № 10110 (ԹԺ դ.), № 6384 (902 թ.), № 7737 (965 թ.), № 7735 (986 թ.), № 2374 (989 թ.)¹⁰⁶, № 7739 (1001 թ.), № 4804 (1018 թ.), № 283 (1033 թ.), № 6201 (1038 թ.), № 3723 (1045 թ.), № 3793 (1053 թ.), № 3784 (1057 թ.), № 311 (1066 թ.), № 10434 (1069 թ.)¹⁰⁷, № 275 (1071-78 թթ.) և № 288 (1099 թ.) : Վենետիկի

¹⁰⁴ Հ. Բարսեղ Սարգիսեան, «Մայր ցուցակ հայերէն ձեռագրաց Մատենադարանին Մխիթարեանց ի Վենետիկ», հտ. Ա, Վենետիկ, 1914, էջ 373-392 :

¹⁰⁵ Գարեգին կրդ. Յովսէփեան, «Յիշատակարանք ձեռագրաց», հտ. Ա, Անթիլիաս, 1951, էջ 86 :

¹⁰⁶ Այս ձեռագիրը, որը նախկինում 229 թուահամարն էր կրում, գրականութեան մէջ յայտնի է ելձմիածնի Աւետարանն անունով, ունի փոսակրեայ կազմ : Ֆ. Մակիլէրը 1910 է ընծայել նրա լուսատիպ հրատարակութիւնը՝ "L'Evangile Arménien. Edition phototypique du manuscrit 229 de la Bibliothèque d'Etchmiadzin, publiée sous les auspices de M. Léon Mantacheff, Paris, P. Geuthner, 1920" :

¹⁰⁷ Այս ձեռագրի յիշատակագրութիւններում գտնում ենք Անանիա Նարեկացի և Անանիա Վարազացի անունները : Ա. Վարազացին 1069 թուականին ձեռագիրն ընդօրինակել տուողն է, որն իր անձի մասին խօսում է համեստ սրկուսներով. իսկ Ա. Նարեկացին յիշատակում է երբորդ զէմքով և գովասանական սրակուսներով : Ուրեմն՝ նրանք տարբեր անձնաւորութիւններ են :

Հնադոյն օրինակը Մլխէ Թադուհու վերոյիշեալ Աւետարանն է, որը գրուած է համարում 851-922 թթ. միջեւ եւ կրում է 86 թուահամարը. գրանից յետոյ ժամանակագրական կարգով դալիս են՝ No 103 (Թ/Ժ դ.դ.), No 123 (նոյնպէս), No 116 (1007 թ.), No 108 (Ժ դ.), No 102 (ԺԱ. դ.), No 106 (նոյնպէս) եւ No 159 (նոյնպէս): Երուսաղէմի մատենադարանից որպէս Հնադոյն օրինակներ մեզ յայտնի են No 2562 (Թ/Ժ դ.դ.), No 2555 (Ժ դ.) եւ No 3624 (1041 թ.): Իսկ Վիեննայի մատենադարանն ունի ԺԱ/ԺԲ դարերի գրչութիւն համարուող երկու Աւետարաններ՝ NoNo 608 եւ 1031:

Թէ՛ ամբողջական Աստուածաշնչերի եւ թէ՛ Աւետարանների մէջ կան նաեւ հետադայ դարերի մի շարք ընդօրինակութիւններ, որոնք նոյնպէս հին եւ ընտիր նախադասարաններ են ունեցել: Այդպիսիներից է եղել, օրինակ, Մնկղիւրիայի Կարմիր վանքի No 45 ձեռագիր Աստուածաշունչը, որի նախագա-
ղաւար օրինակը 986 թուականից էր:

Աստուածաշնչի տարրեր մասերի հին ընդօրինակութիւնների նմուշ-
ներից են նաեւ Երեւանի ձեռ. No 3845՝ Պօղոս առաքեալի Թղթերը (1173 թ.), Երուսաղէմի ձեռ. No 326՝ Յայտնութեան գիրք (1199-1202 թթ.), Փարիզի Աղլային Մատենադարանի հայ. ձեռ. No 27՝ նոր Կտակարան՝ առանց Աւե-
սարանների (ԺԲ դ.), և այլն: Կան նաեւ աւելի հին գրչութիւն ունեցող Սաղ-
մոսարաններ:

Պարզ է, որ, ձեռքի տակ ունենալով ձեռագրական այսպիսի հարուստ ժառանգութիւն, հայ բանասիրութիւնն այսօր հայկական թարգմանութեան բնագիրը վերականգնելու համար յայն հնարաւորութիւններ ունի շարունակե-
լու եւ աւարտին հասցնելու այն գործը, որ սկսել էր Զօհրապեանը: Եւ իրօք, առ ձգտումն է, որ արտայայտուած էր անցեալ դարի վերջերին Էջմիածնի վանքում, Աստուածաշնչի քննական նոր բնագիր պատրաստելու աշխատանք-
ներով: Աստուածաշնչի ձեռագրերի մեծագոյն եւ Հնադոյն մասը կենտրոնա-
ցած էր Էջմիածնի Մատենադարանում (այժմեան Երեւանի Պետ. Մատենադա-
րան), ուստի եւ պատահական չէր, որ այդ նպատակի իրացմանը որոշել էին ձեռնամուխ լինել Էջմիածնի միաբանութեան գիտնական անդամները: Դեռեւս 1890-ական թուականներին կատարուող նախապատրաստական աշխատանքնե-

Րոտ երեւոյթին՝ նրանցից առաջինը սոյն ձեռագրին նախագաղափար ծա-
ռայած օրինակի ստացոյնն է եղել եւ հաւանաբար ժ. դարի մատենագիր Ա. Նա-
րեկացին է, Գրիգոր Նարեկացու հարազատներից եւ նրա ուսուցիչը (տես առաջ, հա Ա, էջ 720 - 730): Նրան վերաբերող յիշատակագրութիւնն է՝ Անանիայի Նա-
րեկացւոյ աստուածազան հոտորի և հղաւր վարդապետի է սուրբ Աւետարանս
այս եւ. (էջ 25ր):

Երկրորդը՝ Ան. Վարագացին, 1169 թ ընդօրինակուած սոյն ձեռագրի ստա-
ցոյնն է, ինչպէս պարզ երևում է նրա յիշատակարանից. «Ի ՇԺԸ թուաբերու-
թեանս Հայոց ես՝ Անանիա Վարագացի, նուստ ի կրօնաւորս և տրուպ և կրտսեր
ի գիտնաւորս, ... ետու գրել զսուրբ Աւետարանս՝ Յովհանէսի գրչի և ստացայ
զսա յիմոց արդար և [իբ]աւացի արդեանց, զոր ի վեր համարիմ քան զամենայն
աշխարհս ... մանաւանդ վասն [ստուգութեան սորին և ընտրութեան բանից
Աւետարանի և անհատի և ամենայն արուեստի, որ է վկայեալ աւրինակն յա-
մենայն գիտնականաց Հայոց, զոր ասէին յաւանդութենէ՝ գրեալ ձեռամբ սրբ-
բոյն Մաստրովրայ վարդապետի և թարգմանչի. և իմ այսմ ամենայնի հասու
եղեալ և տեղեկացեալ վասն լաւութեան սորա, զոր ոչ արժէ աշխարհ զփոք-
րիկս զայս, որ է մեծ և պատուական ի սրտի իմում և ամենայն գիտնականաց
ևն. (էջ 28 ր - 287ա):

Այս յիշատակարանը միաժամանակ կրում է սոյն օրինակի հնութեան կնիքը:

րի մասին արձագանքում էր մամուլը¹⁰⁸։ Եղիա Վրդ. Հասան-Ջալալեանցը էջ-
 միածնի Մատենադարանում Աստուածաշնչի ձեռագրերի համեմատութեան աշ-
 խատանքներ էր կատարում¹⁰⁹։ 1900-ական թուականներին այդ աշխատանք-
 ներն ստացել էին նոր թափ։ 1902 թ. Խրիմեան Հայրիկը Կարապետ Վրդ. Տէր
 Մկրտչեանին պաշտօն էր յանձնել՝ էջմիածնի ձեռարանի ուսումնաւարտ եւ ու-
 սանող սաների զործակցութեամբ հրատարակութեան պատրաստել Աստուա-
 ծաշնչի բնագիրը՝ ձեռագրերի համեմատութեան հիման վրայ¹¹⁰։ Չոլսի աշ-
 խատանքներ էին կատարուել։ Մատենադարանի մի քանի տասնեակ ձեռագիր
 Աստուածաշնչերն իրար հետ համեմատելուց յետոյ կանգ էին առել հիմնական
 8 օրինակները վրայ՝ երկրորդական կարգի օգտագործման վերապահելով միւս
 օրինակները. որոնց հետ միասին օգտագործուած էին նաեւ Աստուածաշնչի ա-
 սանձին գրքերի (Աւետարաններ, Առակաց գիրք, Սաղմոսներ եւ այլն) բնագ-
 րինակութիւններ, որոնք յաճախ աւելի հին եւ աւելի ընտիր օրինակներ են
 հանդիսանում, ինչպէս Ճաշոցի նոյնպիսի օրինակներ, որոնք Հին եւ Նոր Կր-
 տակարաններից պարունակում են բազմաթիւ հատուածներ։ Ձեռագրական
 տարբերակները բնորութեան համար օգտագործուած էին նաեւ յունարէն Եօ-
 թանանից բնագիրը եւ երբայականը, վերջինս, ըստ երևոյթին, հետեւողու-
 թեամբ Աստուածաշնչի՝ Կ. Պոլսի 1895 թ. հրատարակութեան, ուր նշանակ-
 ւած են երբայական բնագրի բոլոր կարեւոր տարբերութիւնները։ «Բուն օրի-
 նակը կազմելու համար, -գրում էր Կարապետ վարդապետը, -մենք վերցրել ենք
 Կ. Պոլսի վերջին տպագրութիւնը եւ աչքի առաջ ունենալով՝ մի կողմից ձեռա-
 գիրների տարբերութիւններն ամփոփող տետրակը եւ միւս կողմից երբայակե-
 րէնի բնագիրն ու յունարէն Եօթանանից թարգմանութիւնը, սրբադրում ենք՝
 տպագրի մէջ դնելով այն ընթերցուածը, որ ամենաուղիղն է երևում ձեռա-
 գիրների մէջ՝ նոցա համեմատական արժէքին եւ բնագրի իմաստին նուաձ-
 իսկ իրբեւ տարբերութիւն նշանակում ենք միայն այնպիսիները, որոնք պարզ
 սխալ կամ թիրիմացութիւն չեն եւ արժէք կարող են ունենալ կամ իմաստի,
 կամ հայերէն լեզուի տեսակէտից»։ Այնուհետեւ Կարապետ վարդապետն աւե-
 յացում էր. «Իմաստը ճշդելու համար մենք նախապատուութիւն տալիս ենք
 այն ընթերցուածներին, որոնք բնագրին աւելի մօտ են՝ չանելով ի հարկէ ո՛չ
 մի սրբադրութիւն, նոյնիսկ ակներեւ սխալների համար, եթէ դո՛ւք մի ձեռագ-
 րի վկայութիւնը չունենանք։ Նախկին հրատարակութիւնների մի կարեւոր թե-
 րութիւնը հէնց այն է, որ բնագիրն ի նկատի չունենալով եւ միայն յունարէնի
 հետ համեմատելով՝ շատ անդամ բնորել են այնպիսի ընթերցուածներ, որ յու-
 նարէնին աւելի մօտ են, բայց նախնականը չեն, այլ ձեռագիրների մէջ սրբ-
 րտադրուած՝ յունարէն իմացողների ձեռքով»։

Այս հիանալի նախաձեռնութեան արդիւնքն այն եղաւ, որ 1903 թ.
 սկզբներին էջմիածնի տպարանից յոյս ընծայուեց, որպէս նմուշ, Աստուածա-
 շնչի քննական բնագրի առաջին պրակը՝ 1 տպագրական մամուլ ծաւալով կամ
 16 էջ, որին առանձին կցուած էր նաեւ ձեռագրական տարբերութիւնների
 ցուցակը։ Այդ նմուշը քննարկման համար ուղարկուած էր մի շարք մասնա-
 գէտների, որոնցից յայտնի բանասէր Հ. Կարապետ Տէր Ասահեկանը¹¹¹ եւ զը-

¹⁰⁸ Հայրեցիք, 1894, Մարտի 26, № 705։
¹⁰⁹ Արարես, 1896, էջ 312, ծան. .
¹¹⁰ Այս շրջանի աշխատանքների մասին տե՛ս Կարապետ վրդ. Տէր Մկրտչե-
 անի տեղեկատուութիւնը, Արարես, 1902, էջ 474-477 եւ 1079-1088։
¹¹¹ Բազմալէզ, 1903, էջ 343-349։

բարարազէ՛տ Յակոբ Գուրգէնը¹¹² օգտակար դիտողութիւններով ու թելադրանքներով հանդէս էին եկել մամուլում : Գծբախտարար փորձական պրակիր լոյս տեսնելուց յետոյ այդ աշխատանքները դադարեցին, յայտնի չէ, թէ ի՞նչ պատճառներով . եւ այսօր աւելի քան 60 տարի է, որ լուսթիւն է տիրում այդ մասին : Նոյնիսկ յայտնի չէ, թէ կատարուած աշխատանքերի անտիպ նիւթերըն ո՛ւր են գտնուում այսօր¹¹³ : Եւ սակայն՝ Հայկական Աստուածաշնչի բնագրի քննական հրատարակութեան խնդիրը հայ բանասիրութեան համար մնում է օրակարգի կարեւորագոյն խնդիր : Վրացական ՍՍՀ Գիտութիւնների Ակադեմիան, սկսած իրոք Ա. Շանիձէի գլխավորութեամբ, վաղուց է ձեռնամուխ եղել հրատարակելու Աստուածաշնչի վրացերէն թարգմանութեան քննական բրնագիրը՝ որպէս վրացերէն լեզուի դասական շրջանի արտագրութիւն, եւ Հին ու Նոր Կտակարանների մի շարք զբքեր արդէն լոյս են տեսել : Հայկական բրնագիրը՝ դասական այն բնագիրը, որը լոյս աշխարհ եկաւ Ե դարում մեր անմահ թարգմանիչների անգույ ջանքերով եւ հանդիսանում է հայ սփեղարեան լեզուի թանկագին կոթողը, նոյնպէս արժանի է հրատարակ դալու իր հարագատ՝ անեղձ ու անաղարտ դիմագծով . եւ, ադատուելով դարերի ընթացքում կրած խաթարումներից ու դրչազրական աղաւաղումներից, սեփականութիւնը դառնալու գիտութեան : Հայկական բնագրի արժանիքը կայանում է ոչ թէ լուկ նրանում, որ հայ դասական լեզուի հարստութիւնների շտեմարանն է հանդիսանում եւ ունի ազգային մշակոյթի առումով խոշոր նշանակութիւն, այլև նրբանում, որ համաշխարհային մշակոյթի ուսումնասիրութեան համար ունի նոյնպէս խոշոր նշանակութիւն, որպէս մի թարգմանութիւն, որն անսահման հնարաւորութիւններ է պարունակում իր հերթին օգնելու վերականգնմանը յունարէն այն բնագրերի, որոնցից թարգմանուած է եւ որոնց բնագրական նրկարագիրը տուժել է դարերի ընթացքում : Այս վերջին առումով էլ արդէն վաղուց է, որ հայկական թարգմանութիւնը գրաւել էր բանասիրական աշխարհի ու շագրութիւնը :

Ժէ գարի վերջերին Սորբոնի գովտորներից Պիլը գտնում էր, որ հայկական թարգմանութիւնը մեծ ծառայութիւն կը մատուցանի յունարէն բնագրերը վերականգնելու¹¹⁴ : Նոյն կարծիքին էր եւ Լակրոպը¹¹⁵ : Հայկական բրնագրի տարբերակներն օգտագործելու փորձեր են կատարել Վիլլֆրուան (1775 թ.), Գրիսրախը (1796 թ.), Հոլմեսը (1798 թ.) եւ հետագայում ուրիշներ¹¹⁶ : Պ. Ս. Լուրգէն 1780-90-ական թուականներին հայկական բնագիրը յատկենրէն էր թարգմանում՝ նպատակ ունենալով այն հրատարակել Վալտոնի յայտնի բաղմալեզուեան Աստուածաշնչի մէջ . այս աշխատանքը, որ հեղինակի մահամբ կիսատ է մնացել՝ ընդգրկելով միայն Մննդոց գրքից մինչև Բաղարա-

¹¹² Բիւզանդիոն, 1903, Մարտի 18, № 1903 :
¹¹³ Երևանի Պետ. Մատենագարանի գիււանական բաժնում մեր կատարած որոնումներն ապարդիւն ֆուցին : Գուցէ այդ նիւթերը լինեն Կաթողիկոսական գիււանում, որն այժմ գտնուում է շՍՍՀ Պետական Արխիւում :
¹¹⁴ Հմմտ. Aug. Calmet, "Dictionnaire ... de la Bible", t. I, Petit-Montrouge, 1846, p. 871. Հ. Գ. Ջարբնանյան, «Մատենագարան...», էջ 241 :
¹¹⁵ Հմմտ. "Mosis Chorenensis Historiae Armeniacae, libri III", p. IX-X.
¹¹⁶ Հմմտ. Գ. Ա. Շուսլից - Հ. Գ. Ջարբնանյան, «Մատենագրութեան յԱրմատուս», Վենետիկ, 1895, էջ 91 : Հ. Գ. Ջարբնանյան, «Մատենագարան...», էջ 244 : Բազմալեզ, 1900, էջ 296, 340 :

յնցւոյ Բ գիրքն ընկած մասերը, այժմ պահուում է Միւնիսենում¹¹⁷ : Եղեւ են նըմանօրինակ ուրիշ ձեռնարկումներ եւս, բայց հայկական բնագրի լատիներէն մի ամբողջական թարգմանութիւն, որը դեռ մնում է անտիպ, կատարել է վենետիկեան Միսիթարեան Հ. Եղիա Թոմաճանեանը¹¹⁸ : Այդպիսի մի աշխատութեան հրատարակութիւնը, կասկած չկայ, որ մեծ ծառայութիւն կը մատուցանէր բանասիրութեանը՝ վեր հանելով հայկական բնագրի զիտական անփոփոխ արժանիքները :

Այնուամենայնիւ, ինչպէս ասացինք, հայկական թարգմանութեան դասական բնագրի վերականգնման խնդիրը կանգնած է առաջին դժի վրայ եւ մնում է հրամայական պահանջ, որի իրադրոժման համար մեր օրերում կան աւելի շատ հնարասիրութիւններ, քան կային մեր դարի սկիզբներին : Դրա մասին մեր մասնագէտները պիտի մտածեն թէ՛ յօդու աշխարհի գիտութեան եւ թէ՛ ի շահ ոչ միայն հայ-յունական, այլեւ հայ-ասորական եւ հայ-վրացական մշակութային հնօրեայ կապերի ճիշդ լուսարանման, կապեր, որոնց անխարդախ վկան է հանդիսանալու Սահակ-Մեսրոպեան վերականգնուած բնագիրն իր զիտական կերպարանքով :

Հայագիտութեան հերթական խնդիրներից մէկը պէտք է լինի Աստուածաշունչ մատենանի հայ դասական բնագրի վերջնական վերականգնումը :

Յ. Ս. ԱՆՍՍԵԱՆ

(Շար. 2 եւ վերջ)

¹¹⁷ Հմմտ. Հ. Գ. Գալեմիսեան, «Յուլյոսի հայերէն ձեռագրաց Արքունի Մատենադարանին ի Միւնիսէնս, վիեննա», 1892, ձեռ. № 19 և 20:
¹¹⁸ Հմմտ. Հ. Գ. Զարբանալիսն, «Մատենադարան ...», էջ 244:

